

二妙集序

中州遺老值元興金止之會或
身歿而名存或身隱而名顯其
詩文傳於今者竊聞一二矣有
如何東二段先生者則未之見
也心廣而識超氣盛而才雄其
蘊諸中者參衆德之妙其發



外者綜群言之義夫豈徒從事
於枝葉以為詩為文者之所能
及哉于時干戈未息殺氣滌漫
賢者辟世苟得一罅隙地聊可
娛生則怡然自適以畢餘齡幾
若澹然與世相忘者然形之於
言間亦不能自禁若曰冤血流

未盡白骨如丘山若曰四海疲
攻戰何當洗甲兵則陶之達杜
之憂蓋無有之其達也天固無
如人何其憂也人亦無如天何
是以達之辭著而憂之意微後
之善觀者猶可於此而察其衷
焉伯氏諱克己字復之人稱遐

菴先生在金以進士貢金止餘
廿年而卒終身不仕仲氏諱誠
已字誠之人稱菊軒先生在金
登進士第主宜陽簿年過八袞
至元間乃卒雖被提舉學校官
之命亦不復仕遜翁之孫輔由
應奉翰林敎應臺閣今以天

侍郎知選舉解右于京師出其
家藏二妙集以示一覽如觀靖
節三復不置已而歎曰斯人也
而丁斯時也斯時也而毓斯人
也昔之耆彥嘗評三翁謂復之
磊落不凡誠之謹厚化服摹寫
蓋得其真予亦云然翰林學士

資德大夫知

制誥同脩

國

史臨川吳澂序

二妙集目錄

卷之一

五言古詩

遯菴先生

贈醫師范子和
弔張漢臣四首

采鷺鷥滕
贈荅封仲堅

壽寇興祖
寄張弟器之

興上人靜樂齋
贈醫者陳百祿

菊軒先生



次韻采鷺鷥藤 呂氏用靜齋

壽夢菴張文信夫

題董公龍窩圖 感懷五章

誅雙峯興上人 贈呼延長原

贈研師寄翁 刁少府優善堂

梁國祥靜樂堂 陳子正容安堂

送張世傑赴京兆幕官

送馮成之歸燕 崧陽歸隱圖

卷之二

七言古詩

遯菴先生

丁酉春雪

送李山人之燕

贈劉潤之

遊青陽峽

遊禹門感而有作

正月十六夜雪

蔣軒先生

送尋正道歸蒲中

贈醫者楊深甫

松溪幽隱圖

壽賈總管

送賈德遠北

卷之三

五言律詩

遜菴先生

方平道中

微雨後偶成

龍門山

仲堅見和復用韻以荅

枕上再賡前韻

野步仍用韻示封張二子

李山人湛然始生之朝

封仲堅挽詞

張器之雄飛亭

七言律詩

壽家弟誠之

飲范君子扣家酒并武詩

夜分雨住

寄仲堅漢臣二子

誅雙峯與上人

和家弟誠之詩

紅梅用誠之弟韻

衛生襲之誕日

自訟

彥衡喪子因賦此以贈之

園亭燕集

弟自北山來

讀張志和傳

排悶

雄飛亭賦詩為餞

蘭文晚節軒

壽薛寶臣

卷之四

五言律詩

菊軒先生

春贈詩社諸君

漫成

和蒼木菴英粹中

送王子壽之平遠

壽李濟夫

七言律詩

蕭少府漫成

總管李侯穆

和師嚴鄉遷居

伯和告別

李公子誕日

張提舉子華報政中臺

送婁郎中

壽李濟夫

送總管李侯北上

辛丑清明後三日

寄題張氏雄飛亭

紅梅

送仲堅漢臣二子過南澗

寒食後有感而作

送史生仲恭北上

仲堅將去

齋居偶成

冬夜無寐

用韻答封張二子

再用前韻

再用渠字韻

和荅毋山夢菴張丈

中秋之夕

望日二三子見和復用韻

丁未立春

望日再用前韻

獨坐有懷

衛生行之誕日

再用杯字韻

送山人李生湛然之燕

戊申四月書於史生仲恭別墅

午芹道中

漫書

五月朏日書以適

次韻周景純

元夜小酌

幽懷

封仲堅挽詞

薛寶臣生朝

送張器之

晚節軒

贈醫者

壽遯菴

送王載之

自壽

雨後漫成

再和

三和

四和

五和

張氏七賢圖

贈琴士任先生

藥郎中萱春堂

容菴軒

總管隴西公歸自趙城

賀李侯西觀回

卷之五

絕句

遜菴先生

九日山園小宴

仲冬之初得紅梅

盧希顏草蟲橫披

暮春有感

翠微上人病間

梅花十詠

花木八詠

退之留別大顛圖

漢陰抱甕圖

薛君寶臣過余芹溪精舍

明日李生見和仍韻答之

壽衛生韻之

為龍門史帥壽不遇

楊生彥衡袖初夏詩

送雙白渠使梁君二子北上

送故人子赴燕

菊軒先生

乘輿杖履山麓

光德道中

和答陳子京

梅花十詠

花木八詠

龍門八題

蒲川八詠

幽居奉借
遜菴呈德之
潤之

和李生湛然聞杜鵑有感之作

張信夫夢菴

和楊彥衡見寄之作

古瓶梅花

送馮資深歸西山

徽宗墨竹

贈師岩卿

蘭氏自然齋

明皇小決圖

周生景純贈菊數本

張世傑經厯牧牛圖

楊茂之忘適軒
秋日牡丹

卷之六

雜言

壽家弟誠之

景純浩然見過

贈醫者呼延生

癸卯中秋之文

史伯友好禮齋

飽食箴

贈薛寶臣

陳文良臣誕日

菊軒先生

山堂聽雨

卷之七

樂府

遜菴先生

水調歌頭

聞笛有感

迎送神

滿江紅

過汴梁故宮城

壽陳大良臣

夢菴張君信夫生朝

登河中鶴雀樓 壽衛生行之

清明與諸生登西磴栢崗

遯菴主人植菊

重九日山居感興

大江東去

和荅衛生齋之 送楊國瑞西行

次韻荅彥衡

水龍吟

壽舍弟菊軒

漢宮春

純甫生朝

滿庭芳

山居偶成

雪夜用前韻

望月婆羅門引

癸卯元夕追憶京師舊遊

蝶戀花

壽衛生齋之

聞鶯有感

壽山人湛然李生

江成子

甲申晦日立春

元日有感

牡丹

塵事鞅掌

漁家傲

送春六曲

正月十四日夜有感

月上海棠

壬寅冬謁玉清壇下

和荅揚生彥衡

同詩社諸君飲芹溪

九日寄彥衡濟之

彥衡諸君皆有和章因復仍韻

青陽峽對酒

上巳日再遊青陽峽

暮春會飲

和荅尋正道

臨江仙

壽周景純

三月十日與諸君約會西園

幽懷用前韻

浣溪沙

壽衛生行之

元夕後一日

壽菊軒弟

訴衷情

初夏偶成

生查子

正月上旬夜聞雪作

南鄉子

壽薛君寶臣

取高樓

壽衛生行之

點江唇

暮秋晨起書所見

西江月

秋雨新霽

卷之八

菊軒先生

水調歌頭

敬繼遜菴先生韻

滿江紅

秋晚張園小酌

新春敬用遜菴韻

偶觀春事闌珊用兄韻

遜菴兄以閱菊樂府見示

大江東去

寄衛生巖之

送核國瑞西

贈荅揚生彥衡

木蘭花慢

元宵感舊

滿庭芳

齋居有感

望月婆羅門引

清明後醉書於史氏之別墅

翼日封生仲堅見和復用韻答
晨起與仲堅偶坐戲成一篇

仲堅復見和因取舊韻述已意

江城子

季春五日有感而作

幽懷追和遜菴先生韻

東園牡丹

行香子

書舍偶成

月上海棠

謹次遜菴兄繼王清韻

重九之會

冬至後一日獨居

詩社諸君復相屬和

鷓鴣天

重九日敬用兄韻

再遊青陽峽

立春後數日盛寒

上巳日會飲襲之家園

和荅尋正道

臨江仙

奉繼遜庵先生韻

田間晚步

季山人壽

暮秋感興

驀山溪

衛生襲之壽

蝶戀花

衛生襲之生朝
明日衛生見和

浪淘沙

惜花

朝中措

偶出見杏花

南鄉子

衛弟行之壽
薛寶臣生朝

木蘭花

重陽前見菊

清平樂

薛子余弄璋

送張君美經歷之須更試啼聲

訴哀情

史仲恭壽

水調歌頭

山中偶成用遜菴兄韻

二
妙集目錄終

國立中央圖書館, NATIONAL CENTRAL LIBRARY, TAIWAN, R.O.C.

二妙集卷之一

五言古詩

遜菴先生

贈醫師范子和并引

范君子
和居姑射山麓
世隱於
醫敏給
多藝能畧涉獵
文史一
日會薦紳輩於其家
酒未舉太
白而言曰
不肖竊有志于斯文
敢求數十字以爲珍藏
意甚勤



因為賦古風一篇告之以君子
之道使知所操持焉非直使誇
衒於世實篋笥而已

我廬姑射東君居西山隅相去不十里曳
杖以問這知我遠方來盡室相煦濡衰年
况多病藥物必爾須診視得家法就為醫
多廬貧賤人所惡世利人所趨君子異於
衆而獨與我娛延我井中堂列坐皆明儒
酒饋既登俎左右羅童奴令行爵無筭促

使開大壺酒酣意氣逸高論到唐虞日星
未得歸欲起時見拘自言小邑中何嘗試
士夫久客惜人情褊量動輒踰仍呼見出
拜頭角異凡雛從小好文字未覩明月珠
長者幸有賜終身不敢俞既蒙主人知所
願戲良圖世人豈無才惟德不能俱不見
盆成括以是喪一軀又徵荀氏語不至察則
無徒大辯外若訥聰明守以愚顏子稱大
賢尚云有若無吾言儻無忽榮名不須沽

歲己酉春正月十有一日吾友
張君漢臣下世家貧不能葬鄉
鄰辨喪事諸君皆有第章且邀
余同賦每一付思輒神情錯亂
秉筆復罷今忽四旬矣欲絕不
言無以寫其哀因作古意四篇
雖比興之不足觀者足知余志
之所在則進知吾漢臣也無疑
高樓浮雲薄知是何人宅賣諸輕薄兒身

為五侯客。莫聞鷄回車騎。何翁慄鼻息。
吹缸蜺行路。皆蹶踏。豈知黔婁生。儲粟無
儻石。衣衾不掩尸。送我城東陌。寥寥百世
下。誰分夷與拓。

北方有黃鵠。飽義氣。勇烈天寒辭。故巢思
欲近。丹穴吁嗟翅。翅短雲海路。隔絕鳳凰
不相待。孤憤無由洩。耻與鷓鴣群。朝夕肆
饕餮。餐一步。兩呌號。心摧口流血。側頭向蒼
昊。永與羈。唯決人皆尚。鷓鴣反謂黃鵠劣。

世無棄瓢翁軒輊定誰說猿鶴與沙蟲
泯泯同一轍悲來結中腸欲辯再三咽

藝蘭當清秋生育胡不早西風發微香
能得幾時好飛霜半夜來滅沒先百草
真宰獨何心吞聲不復道

驅車上木行中道車軸折停車卧轅下
骨斷筋力折撫膺呼蒼天淫淫滂如雪
右來與今來此恨何時絕

同封仙壑采鷺鷥藤因而或詠錄

寄家第誠之兼簡李衛二生

有藤名鷺鷥天上匪人育金花間銀藥翠
蔓自成簇騫裳涉春溪采采漸盈掬藥物
時所須非為事口腹牛溲與馬勃良醫猶
並畜况此香色奇兩通鼻與目尤善療瘡
瘍先賢講之熟世俗不知愛弃置在空谷
作詩與題評使異凡草木

贈荅封仲堅

念昔始讀書志本期王佐時哉不我與觸

事多輒軻歸來濯塵纓羸裝聊解馱午芹
多竒峯流水出其左誓求十畝田於此養
慵惰種椒盈百區栽竹僅萬箇自謂得所
依心口默相賀經營久未成蘊積乏竒貨
低回不能去借宅便高卧始搆菴三間椽
桶久摧挫暑雨畏霖潦霜風苦掀斨豈無
富貴人粟布救寒餓恥隨肥馬塵擁鼻不
敢唾淹延歲月深十手指庸悞塵埋劔鋒
缺彈鍊悲無奈時當春之仲桂魄月半破

丁丁聞咏門有客來相過探懷出新作高
唱成寡和清辭麗淑雲齊梁那復課蹇余
鞭不前躑躅蟻旋磨拈腸藜莫苦竒字厭
搜遲君乎真可人沽酒酌通播酒酣膽氣
震狂言驚四座舊遊湫何許行路方坎坷
作詩寄同聲別離傷老大

壽冠興祖

飄飄關輔客逸氣薄雲霄承學有源委持
論生風颯束髮侍玉階香名滿

天朝射策不一中雄文深自韜佳遯思居
洛歌詩祇和陶生涯足文史蹤跡混漁樵
蹭蹬三十年壯志殊未凋人稱寇公後遇
鼎復能調才大時不容坐使雙鬢焦竭來
汾水上五見秋蟲號西風下木葉天氣正
沉寒勸君一杯酒能令百憂消開懷且痛
飲勿念鄉關遠

寄張弟器之

愛酒陶彭澤映世清節耀乞食賦新詩不

復事邊徼士生多轆軻異代或同調東山
不可作敢望蟠溪釣壺觴聊自傾登高一
舒嘯但恐汙世塵永爲達人笑

山堂久岑寂宴坐度昏曉倚壁一蒲團幽
人活計了日高鼎茶鳴風細爐烟裊曳杖
步庭除看雲頭晏矯安得謫仙人神遊八
極表

興上人駐錫姑射之麓他日邀
余所居之靜樂齋勉爲賦此

我愛興上人閑處先着脚雖有買山錢難
尋一丘壑向來栖息地龍象久寂寞重尋
林下徑竹石苦分薄溪水恣交流巖花自
開落却掃大室中一瓶還一鉢淨樂題其
顏塵緣聊解縛寥寥千載下此理誰發藥
我今爲拈出未勉一重錯有淨必有垢無
苦亦無樂混沌元不死七竅剛自鑿鄭重
菴中人萬法本無著獨有太古心油然滿
寒廓

陳君百祿隱居河汾世以醫名
家臨財廉取與義性喜諧雖外
若寬縱內實重慎而有常心真
善學醫者也辛丑之秋余疴作
君調護周至既獲勿藥欲酬而
不可姑以詩答其勤

我來汾沮如汾濱君所居豈期牢落際有
子可與娛遺我以方藥投我以素書往來
八九年問難更起余妙處心自得論說乃

其餘衆議遍持執辭語費百車君以一言
蔽如亂髮得梳丹砂與赤箭應用並貯儲
困窮尤所重視之骨肉如孰謂斯世中乃
見古人且我不爲世用以道而卷舒子胡
自隱晦而不干名譽聞君有令子萬里今
旌輿于公多陰德預使高門問請君事斯
語勿謂吾計踈

菊軒先生

吾兄同仲堅采鷺鷥藤於午芹

之東溪因詠詩見示前代詩人
未嘗聞賦此者此花長於田野
籬落間人視之與草芥無異是
詩一出好事者將知所貴矣感
嘆之餘敬次其韻有與我同志
繼而述之不亦懿乎

微雨洒郊垆百卉欣並育幽花粲溪側
間錯金珠簇徐看是鷺藤香味濃可掬
忍飢出新句大笑負此腹遺落榛莽間
采擷誰

見蓄情知無俗姿安能悅衆目先生日來
往東溪路應熟一經題品餘名字耀岳谷
遇合良有時不才異山木

呂氏用靜齋

兩崖夾差我一水中委蛇是間有高人靜
與山林期結茅並溪石故迹司空遺因人
愛其山佳處應自知心閑境隨勝眼靜山
增竒寥寥丈室中日用夫何為不書咄咄
事高詠休休詞無人書一編有興酒數盃

便是一生了安問著與龜依依中條雲夢
想紫芝眉昨朝寄書至謂我來何時急營
買山錢已覺從君遲他年兩繩床分忍西
山食

壽夢菴張信夫

一杯筵頭春持壽丹山客洗盞置客前共
坐林下石酒酣語益真道合意自適東風
吹醉眼高興寄空碧人生天地間迅若駒
過隙胡為就羈縛惴惴從物役何如夢室

中一一笑百憂釋棄置勿復道放懷陶茲夕
蒲城董公余素不識其何如人
也一日袖橫軸所謂龍窩圖者
同仲堅來過而以詩見謁余雅
不能文詩尤非所長者加之者
病日久縱不避拙惡亦安能為
他人雕肝腎邪渠請益堅余重
遠封意且念其勤姑因所見以
叙之云耳

封生携客來謁我蓬蒿裏軒軒亢塵俗不
知誰氏子所主吾既賢伊人亦云喜探懷
出新圖一語煩舉似蹇余不能文三請意
未已溪山有素期入眼盡其美層雲蔽重
淵萬木夾兩溪飛流瀉絕壑千丈垂幅紙
餘霏散如霧點滴亂紛委何物竅其傍相
傳龍所止廟貌寄空山何代為經始年深
祭血乾亂久誰復祀威靈昔所聞對面隔
千里誠通感心應雖遠猶在通巍巍窟宅

尊安卧夕不起何當洗甲兵倒挽幽溪水
余懶日甚不作詩者二年矣間
者二三子以歌詠相樂請題於
吾兄逸菴遂以歲月坐成晚命
之因事感懷成五章以自遣志
之所之不知其言之陋也覽者
將有取焉

負暄頽簷下病骨喜新霽微風動天宇木
葉墮虛砌緬懷平生事奔走愧非計投身

田野間心跡得少憇時榮豈不慕省躬自
當逝薇蕨滿春山猶可以終歲

罷書掩閑臥窓牖亂清樾風枝驚宿鳥扎
扎畏顛越葉聲走前庭誤聽雨未歇不知
霜已重但覺寒切骨耿耿不能寐起坐候
明發試問夜如何虛簷轉殘月

晨起坐高齋鳥啼幽寂破小兒具文墨信
手供日課既無寵辱驚又不至寒餓自量
亦云幸到此能幾箇更欲希世榮所望毋

乃過蒲團正溫厚得穩且安坐
連寒拙進宦艱難昧理生一事且不免况
欲二者并忍窮分所安不為世所縈床頭
一卷書淨洗曾次平偶逢會心人款款話
中情飛儲喜不空今年賴西成
青山如有情向人呈偃蹇我本山中人一
出偶忘反崎嶇半天下始覺居山穩力極
勢自迴苦不費推挽稅駕良自茲千里豈
云遠舉手謝山英應笑歸未晚

誅雙峯與上人

堂堂雙峯師不受世塵汙禪坐三十年俯
仰無愧處平生大事早欲留不可住適來
水中漚水行漚復聚適去火上烟烟散火
如故徜徉天地間去來隨所遇我懷未能
忘正隨分別趣涕餘會真心三嘆出門去

贈呼延長原

我來負犢顛接迹汾水濱亂餘空傳侶所
遇皆所親一行未易忘更求其純矯矯

呼運生棟宇接近隣雖云符詛師頗異尋
常人疾苦在力救貴賤情一均功成不責
報第恐傷吾仁曠懷寓杯酒不計醜與醇
一酌萬事畢肝膽平輪囷酒酣奮一袖滿
坐生陽春人皆笑女狂我獨愛女真參苓
吾所須取為藥籠珍吾聞先天術原委有
本因後人罕知學莫復窺其津華佗起東
漢扁鵲名西秦二君本儒者卒以醫自神
願生繼高躅勉勿因循

贈研師寄寄翁

有客抗塵容不知何人斯自云來西秦着
脚汾之縻放浪三十年野鹿不受羈是身
寄虛空欸若駒隙馳竄名書研間聊寄吾
寄為遊戲出三昧我豈甄陶師心成應之
手觚榘各異空萬象且胚陶一一非人私
妙疑天地中不甌亦不坯探懷出蒼壁烟
烟光陸離摩挲湛秋水隨手生寒漪雖鑿
混沌竅大朴猶未漓四首銅臺瓦千載垢

有遺望令呂與張羞受牛後嗤便當十齋

藏矣

必見

詩人詩卷

餘兩牛腰得之猶恐遲歸來飯甕空一字
不救飢咀嚼誰枯腸似高還似癡商財與
蠟屐優劣孰等夷不如且置之安事屢解
頤翁獨為一笑此事非所知苟可適吾欲

詩

詩
富
辭

乃以府優善堂

取人戒不周
以貴不遺理
能無眾羨何

必勞營為柰何當涂人好以智自私身勤
事仍左終日徒紛披君侯本將種磊落真
男兒延英闈賓館下問質所疑優善題其
顏羨意良可知永懷正子賢千古猶一政
休休好善心一出忠厚資片善或可取不
厭蓬茅卑人輕千里遙願吐曾中竒投誠
盡實理入耳無諛辭從容談笑間萬事無
不宜三年報政成殷殷何其遲潛令十萬
家共煦晴春曦退食坐南堂何慮復何思

梁國祥靜樂堂

穰穰區中人役心名與利於身竟何有乾
沒無少置叔敬有耳孫榮榮與時異一官
不肯覓閑居養高志築室塵境中中有塵
外意方其厭囂湫歸來得小憇床頭一卷
書淨洗紛華累苟能樂其樂寧復事吾事
見客不吝情有酒即成醉為問東華塵何
如北窗睡清風吹我懷萬事覺無味誰知
方寸間自有清涼地

陳子正容安堂

陳子少英邁逸氣不可挫典刑肖乃翁出
語輒驚座行止非所能造物听掀歟功名
鷹在鞬歲月蟻旋磨區區一邑中十載供
吏課結廬慕淵明志向有許大澹墨寫形
似終日相對坐一室足我容百念付懽懽
青山隱簷楹流水出其左植花數十叢種
竹千百箇事來若機張事去如甃隨浩然
方寸間不受一塵沈豈無二仲賢閑暇日

相過有酒相歡酬有詩互賓和溪山入笑
談珠玉霏咳唾猶狎天地間一物莫於我
醉來語益真卿去我將卧主人政高枕山
鳥莫啼破

送張世傑赴京兆幕官

雨雪方載塗霜風裂膚肌丈夫四方志遊
子千里期簡書豈不畏孀親髮如絲恩義
兩相奪欲行還遲遲世榮豈不慕此心難
遽夷大分既有定龜旒安得辭伊人遇知

已第恐負所知去去勿重陳搏扶良自茲
苟能以義養猶足慰親思

馮生成之自燕歸平陽賴寂照
先生獲脫奴役復齒士列將復
歸燕主吾友濟夫來謁詩姑序
其槩以答云

英英大馮君雅志在千里坎窞不得前而
姑止於此出處雖兩途連靜無二理燕坐
三十年初不離朝帝了了方寸間湛然若

秋水馮生適何來眉目差可喜自云衣冠
後家改偶不死失身坑阱中搖尾几幾禩
過者日千百藐焉不一止忽逢盤谷翁引
手惟力致力極執未回旣出幾復委不知
何因緣又入先生耳一見不忍遺即命加
冠履奴虜豈所安推已乃知彼惻然連於
中棄金猶棄糶少屬豺虎場永謝泥與滓
乞詩荅盛德此意良亦美願我欲何言一
笑不如已先生世外人於汝初何俟苟能

肩一心綺語奚足恃屈信固有時此政在
知已勿如越石父以是驕晏子

崧陽歸隱圖

落落出世入視世猶糠粃獨淮愛山緣一
念未渠已嘗行崧陽道經觀畧可紀有山
皆孱顏有水盡清此寒藤絡古木青花間
芳枳風從四山下紅綠亂紛委雲日互蔽
虧百態呈怪詭微泉不知處叢蒼鳴宮幾
山鳥忽驚飛花落空巖裏靜聞鷄犬聲人

家應在邇百年能幾日山間有餘晷孰知
桃花源不出武陵水回首視人間蠢蠢足
塵滓便擬結採菊忽忽迫行李一來汾沮
如畜滯綿緼祀幽懷眇難忘澹墨寄形似
舊遊一經眼未往差可喜此心本無著夫
豈為物使昔何從而來今何從而止翛然
來徃間於是得之乎幻影竟安用我亦聊
爾耳一笑兩忘言庭花委堦泥

二妙集卷之二

七言古詩

遯菴先生

丁酉春雪

幾日東風吹凍雲，麥苗乾死埋沙塵。
客床欹枕睡不穩，寒氣偏尋老病身。
沉沉夜色溷窻白，却訝微雲弄山月。
開門澹蕩雪滿空，拂面猶疑柳花濕。
二氣交感天地通，千林玉立天無風。
蓬萊宮闕墮人世，三日不



見車馬蹴躡燾燾殊未已此瑞應知同
萬里遠客休歌蜀道難農夫剩有豐年喜
買牛便好事春耕况復新來官長清田家
衣食無美惡不再追胥死亦樂

送李山人之燕

弁序

李生湛然年四十未嘗從事於
人偃蹇不與時人偶每遇盃酒
間輒擊節悲歌感慨泣下不知
者以生為狂生愈益放曠不羈

又好為奇詭大言以驚動流俗
人亦不知許也戊申歲春踵門
告余曰男兒生不成名死無以
掩諸幽愚不佞誠不能與草木
俱腐竊有志於四方先生許我
乎今乃為書告常所往來者會
飲於芹溪之上壺酒既傾客有
執卮而前者曰方今戎馬盈郊
熊羆號虎之士撫鳴劍而抵掌

投壺雅歌未闡其人子以儒自
名執古之道求合於今之世憂
憂乎難哉顧子之囊無十金之
資出無代步之乘無名公鉅卿
為主乎其內無相生相死之交
奔走於其外上不能激濁揚清
以釣聲名下不能乘機抵巇邀
一時之利竊恃而往其果有合
哉余應之曰不然夫通用之謂

才堪事之謂力君子之論人當
觀其才力何如耳不當以世利
言也儒者事業非常人所能知
要不過適用堪事而已議者至
謂不能取舍於當世豈不厚誣
哉抑不知褒衣博帶者為儒乎
見行三步者為儒乎彈冠遠遊
者為儒乎以是而名其儒豈真
儒者耶昔者百里奚自鬻於秦

管仲束縛於魯甯戚叩角而悲
歌馮驩彈鋏而長嘆叔孫通舍
祝鼓具綿蕤之儀陸賈脫兜鍪
進詩書之說使數子者高臥於
林丘累徵而不起尚何名譽之
可期屈辱之可免哉今之諸侯
賓位尚有缺然不滿之處肯使
至寶橫棄路側狼藉而不收苟
有好義強仁皆將善其價而沽

之况幽燕之地士尚意氣重然
諾習與性成者耶生之此行余
知其必有合也於是乎感賦詩
以為贈余於交遊中家長特為
序以冠其首

與君把臂臨黃河
缺壺聲裏度悲歌
玉缸酒半離筵
三十里東風射馬耳
孰能忍飢
學夷齊者人鼻孔
吹虹蜺莫道書生成事
少男兒蓋棺事乃了
劍心雖壯未能伸
客

含蕭條逢莫春
盧溝河上千株柳
滿地楊花愁殺人

贈劉潤之

平生不願萬戶侯
但願一識劉荊州
荊州已遠不可見
裔孫今幸從吾遊
慨然議論吐肝膽
腰間古劍鳴蛟虬
酒酣醉墨出險怪
筆執懽悅令人愁
世人爭欲得一諾
黃金不用如丘結
交以義不以利
樂人之樂憂其憂
自從管鮑死此道
今悠悠豈憶

流落中忽見古人傳古來賢
拒仕不遠飢寒不解為身謀
紛紛眼底知音少幾向西
風嘆白頭

游青陽峽

東山氣象太猛悍萬馬駸駸來
楚甸中分不肯割鴻溝鍛礪戈
矛期一戰西山折北如西漢
獨餘絳灌奔而殿誰為劉項
決雌雄賴有韓彭力相授盧溝
直下兩山合泯泯暗流通一線
突為瀑布出山口流沫成

輪浪成湍。百步落石甕。黛蓄膏。亭那
敢取沈沈南去。若白虹為嶼。為泚互隱見。
鑿隆混沌幾千秋。世俗雖見如不見。今人
誰有筆如椽。為寫佳名傳。寓縣人間佳節
重清明。呼兒折簡招諸彦。一生能著幾兩
屐。佳處每欲經行遍。山靈著意勸遊人。吞
吐烟霞生萬變。山阿玉女跪焚香。巖畔僊
人一笑倩。居者儼若帝王尊。劔佩雍容侍
植者森落如鉅人。聚立廣庭議封禪。

拱者矯矯如勇夫執戈夾祀著棊弁平灘
淺瀨乍可揭溪路由隨峯勢轉葛履偏宜
苔蘚滑行襟時被薔薇罨當面烟嵐舞翠
蛟出岫閑雲飄素練群行不復事拘檻眼
正明時脚還倦班荆共坐溪上石粃糝濁
醪具時饌良辰無奈夕陽催羽觴正要清
歌薦醒心况復有寒泉玉池遍返成三嘆
三分春色二分休風外飛花時一片古人
行樂欲及時半百之年猶掣電一窮到骨

不自治虛負曾中書萬卷漫向山林老却
人生來不識荊州面肝膽搓牙頰酒澆頤
我非狂亦非狷紛紛世無真是非棄置從
渠若秋扇歸來新月偃林稍寂寞衙門掩
深院

戊申四月遊禹門有感

黃河一線天上來兩山突兀屏風開天上
聖人為萬世驚濤拍岸鳴春雷冷雲直下
三千尺石巔古廟高崔巍斷碑歲月不可

考丹青剝落空莓苔嗟呼去古蓋已遠荒
辭漫汗相驚猜安居平土果誰力愚民耳
目誠可哀一聲漁笛起何處滄洲雅興還
愆哉

正月十六日夜雪

正月望夜夜氣交長空月遯生白毫東風
澹蕩振林木春雲吐鬱翻驚濤望中已覺
沒河漢坐中不見群山高打窓雪片大如
手蒼髯噤瘁傑蝟毛我意天心厭誅戮淨

洗戰血除腥臊方今廟廟已備具左有夔
龍右有咎夔氏親賢急先務朱輪皂蓋馳
英豪遺黎幸脫瘡痍阮謳吟聖世心堅牢
驅牛負耒復門戶至死下復遠遁逃白頭
老儒最無用天才魯鈍非時髦日月消磨
兩蓬髮天地飄零一緼袍詩書自是教維
子藜藿猶能飫老饕清晨喜看蔬圃潤而
可暫息抱甕勞蘭芽含甲未出土蕭艾覆
壠已可憐閑中事業澹無味佳趣纔如食

蟬螿興來歌詠適情性背痒思得麻姑搔
芥山崗萃寒玉瘦芹水澄澈春蒲挑直緣
山水久留戀日鄉溪頭醉濁醪青雲富貴
豈不願蟠木輪囷寧自韜結構大夏要梁
棟操割清廟頌鸞刀功名儻可跂契稷跳
梁里巷誇兕曹君不見昔在周王師呂望
快若逢尹彎烏號大人虎變固莫測運命
由來有所遭蓬萊方丈在何處我將入海
恣遊遨天風飄飄鯨背穩下視塵世空嘈

菊軒先生

送尋正道歸蒲中

江頭揚柳不堪折
陌上行人還又別
春光不解苦畱人
兩岸楊花飛白雪
江風搖搖吹綠波
欲別未別傷如何
勸君且住聽我歌
後日重來白髮多

楊生深甫以鑿鳴河汾

遯菴先生以下皆贈以詩生吾

彙士也觀其意似不以淺近自
期者故余之所述不特稱道而
已也

揚生頭角非凡子少以鹽名連州里曾懷
了了中可人容貌恂恂外如鄙魯黻未艾
之憑藉論議滔滔有原委人身造在一天
地敢謂精微盡於此中情翫斷不自安願
就先知問其旨 遇菴先生天下士挈携
爾維為指似古人繇此不難到但恐中心

復中止千金再拜一言重採掇方書究終
始姓名會滿人間滾滾西馳若汾水

松溪幽隱圖

何宮遺構山之隅長松蔽映千萬株中有
一逕穿縈紆冷風瀟瑟無時無人向赤日
如烘爐恍疑僊景來蓬壺蹤跡一墮聲利
區回首自覺泥塗汚歲月因循歸計遲松
溪想像勞形模可憐塵夢今始蘇空對溪
山慚畫一日來歸聊自娛

壽賈總管

裁編茁頤膽滿軀骨懷落落真丈夫古稱
山面出將種我公家世皆吾儒朝家未
錄勲臣後時時射虎西山隅一官平水今
幾年鄉閭坐覺疲氓蘇驪塗千里會須展
小邗未足勞馳驅綉表錦帽不復見人言
然也哉平身此時此日生鸚鵡鬱葱佳氣
充公間當筵擊筑聲嗚嗚滿堂賓客聯簪
裾天公催花為噓枯罌及花下傾金壺春

風花開人不孤年年人與春風俱

送賈德遠北上并序

生親老家貧輟晨昏定省之養

以入京師其心將以有得而歸

為親崇也雖其親之心亦然而

一身之勞故不暇計忘勞以悅

乎親生之志也若生者其以義

養者與於其行乞言以為別吾

老矣言不見用於世雖無吾言

願於生何缺生意益堅而無倦
色姑序其事以慰其行云

賈生歷落非庸子坐守窮廬足文史山田
硤确無百畝日課諸郎力耘耔瓶儲顛倒
得幾何晨夕安能具其旨抱關擊柝有不
擇知效一官聊爾耳霜風栗冽歲云暮水
宿山行二千里及親而仕古所樂敢以疇
嶇憚行李明年華發聽君還綠戲階庭為
親喜

二妙集卷之二終

國立中央圖書館藏

NATIONAL CENTRAL LIBRARY, TAIWAN, R.O.C.

二如集卷之第三

五言律詩

遜菴先生

方平道中

沙軟新經雨風輕不起塵
溪山隨處好花柳著行新
放浪聊終日蹉跎又一春
行年已如此猶復向來人

病怯春衫薄衰憐葛屨輕
平蕪迷舊跡幽鳥變新聲
興與雲俱遠心同水共清
膠膠

還擾擾回首笑浮生

微雨後偶成

孤憤憑誰訴長歌聊自怡
慙衣憐瘦減扶杖覺衰遲
小飲非愁敵輕寒與睡宜
今朝春雨好推手莫啼飢

寂寂春歸後悠悠夢覺時
病添花懊惱愁耐酒禁持
瓶貯無多粟囊封有許詩
倚床成獨笑此意幾人知

余僑居龍門山十有餘年封張

二子日從余游而貧又甚焉因
寫所懷無簡二子共成一笑

病久慵增劇途窮事轉迂
木蕪形共槁籬與地俱無
醉語勞揮麈悲歌漫叩壺
解解籬下菊笑汝益羈孤

仲堅見和復用韻以荅

道在山林勝心閑歲月迂
家風貧更好習氣老難無
目力分詩卷生資負酒壺
儒冠三十載轉覺此身孤

賦就慚辭拙書成共笑迂學傳三世舊用
處一分無衰鬢頻看鏡流年付挈壺悠悠
身外事日斷寒雲孤

避事嘗辭劇為儒不厭迂能貧從古少好
學似君無行李書填案生涯藥滿壺緹紫
真孝子猶足慰乾孤

一飽不易得身謀方信迂家徒四壁立囊
至一錢無但喜心如水平那憂腹似壺我窮
君更甚此德未全孤

枕上再賡前韻

幾年成懶散一榻了慵迂詩酒心猶在功名夢亦無雨來催覓句鳥去勸提壺靜裏那須此應憐客意孤

野步仍用韻示封張二子

散策溪頭路溪回路更迂山隨行處好似往年無波靜魚千里天晴春一壺龍門何限景歲晚不相孤

信步不知晚歸途那計迂一歡閑裏足萬

籟靜中無藉草便成臥酌泉聊代壺娟娟
林外影江月伴人孤

李山人湛然始生之朝座客各
賦詩為壽亦作四韻以期所未
至不特稱道而已庶幾盡朋友
相成之義云

脫跡豺狼外容身木鴈間虛舟元不繫倦
翼自知還飲水猶能樂編菰足可跽莫教
方寸地空負一生閑

封仙堅挽詞

但怪經過少那知生死分
總惟徒見像尊酒罷論文
編村人為具丘墳誌共聞
世無韓吏部為爾惜盧殷

窵窵無時旦行年甫過先
歸心終莫遂遺恨竟空填
伯道名雖著中郎業不傳
素書功未卒誰為理殘編

君嘗集素問等書未竟而
逝好事者分去皆室藏之

賣藥安垂老看書祇自資
依依姑射恨渺渺奉先思
誰卹蕭存後徒昌東野詩
孤魂

招不得獨坐涕垂頤

蕭散青牛客

君嘗乘青牛以竹筒貯藥
腰間瘰疾無不愈者故云

伊予有素

期詩成先取視酒熟預令知
夜被嘗同覆朝筇復共搢
豈期行樂地回首總成悲
三言已畢非中身永別
商崩折玉內熱契
闊一生悲對月聽歌處
圍爐把酒時凄然獨不見
何以慰相思

張器之雄飛亭

落魄張公子身貧志不凋
鸞棲辭枳棘鵬

翼上扶搖季子終懷印相如竟過橋香名
贈人口詩句大牛腰

七言律詩

壽家弟談之

道行不得耳棲遲一唯誰傳魯仲尼端世
不求麟鳳質急難空賦鶴鴿詩玉堂金馬
知何處白石清泉有素期但使平生忠義
在樂天知命復奚疑

乙未人日飲范君子和酒酬賦

詩呈座上諸君

正月七日春欲連拂面東風力尚微且貪
席上賓朋樂未覺平生事業非青山綠水
俱可隱白髮蒼顏胡不歸會須高揖浮丘
袂千仞巖頭一振衣

五月二十二日之分雨作涼風
颯然木葉蕭瑟絕似往年七八
月底時物之變不能為懷漫浪
成詩聊以自釋

雲壓虛簷黯不收
雨聲飛安碧山頭
簾幙清徹三更夢
枕簟涼生五月秋
入夜悲風何淅瀝
先時病葉已飈颺
心非木石能無感
喚起悠悠去國愁

寄仲堅漢臣二子

經春日日臥空廬
門巷蕭條長者車
一卷時看王湛易
數行慵寄子公書
風光少得如人意
顏面從教真世疎
聞健不來花下醉
明年花發定何如

誄雙峯與上人

試圓石上再生身
嘯月吟風性益真
解脫蓮花徒夢幻
忽驚野馬逐埃塵
雙峯莫遂幽棲志
一鉢誰為嫡嗣人
便恐叢林無正脉
為君一哭涕橫陳

和家弟誠之詩社燕集之作

膠膠世事久經諳
肯着紅塵換翠嵐
驕驍捕颺非所任
于將補履豈其堪
老無成事惟多懶
少不如人何更貪
花下一杯誰伴

我清風明月便為三

與婦誰不遣君婦却恨婦來事事違烽火
未休家信少山川良是故人稀黃金入手
還能散白雲盈頭不肯飛試問春愁都幾
許長江滾滾日暉暉

人皆笑我我忘機我愛青山真得婦肯學

堪超謀肉食更憐烹北泣牛衣心非理義
烏能悅道勝紛華是故肥獨坐釣蘆心語
口回頭四十五年非

紅梅用誠之弟韻

梅花香裏倚蒲團萬事人間總不干醉暮
每憐春意淺詩魂長遠夜枝寒記曾上苑
溪邊見又向前村雪裊看回首青藜已如
萱齒牙衰朽怯微酸

小梅初破月團團戲蝶遊蜂未敢干醉臉
不禁經宿雨芳心似欲訴朝寒乍驚別後
容華換更真尊前子細看便好栽培近東
閣免教風味一生酸

癸卯春二月有五日衛生讓之
誕日也座中各捧卮酒乞言因
用景純壽詩韻以答盛意為
謝不敏

壓倒詩人白與元淋漓醉在出佳篇心澄
寒玉泉中水衣惹霜巖頂煙歲晚相依
青士瘦逢窮漸覺趨生賢黃元亦從人
笑自斷此生休問天

自云

無將入車塵冥冥無適霄人惡易形吏部
有書漸薦李萊公當軸謬推丁慎交已昧
書中戒悔過聊書座右銘自是昌陽堪引
壽不須辛苦進豨苓

彥德喪子鄉社諸君皆有詩以
慰其哀八喬文游之長烏能無
言因賦此以贈之

昔年曾讀樂天詩晚歲情鍾玉雪兒今日
爲君重感歎片時何意仁乖離迎門猶記

牽衣笑撫榻空懷漲乳悲夢裏不知生死
隔舊嬉遊處細尋推

丁未新春與詩社諸公園亭宴
集老圃有詩衆皆屬和一時尊
俎賓席之勝殆可樂也余雖老
頑不可虛盛意勉賦此

秋去冬來春又催昆明信有劫餘灰心遊
碧落絲千尺夢遶瓊林日幾回處世祗宜
同鹿豕和羹誰復憶塩梅老來筆力猶強

健一音新詩酒一杯

馮弟自北山來出其舊所為詩
百餘篇雖未暇盡讀嘗具一齋
足知餘味吾弟離群索居無師
友之益能自道其所志蓋絕無
而僅有者也雖然掘井九仞而
不及泉猶為棄井耳適漢臣張
君見過論文話舊以及吾弟之
賢因作詩許其所已能而勉其

所未至以寄之幸時復觀覽以
自警省勿徒實篋笥而已

少年事業莫蹉跎聽我尊前一曲歌鑄劍
必期經百鍊為文故自要三多凡胎須得
丹砂換壯志林辭鐵硯磨平地為山由一
竇詞源地日看傾河

讀張志和傳

一葉輕舟一釣綸朝廷無處覓玄真太虛
明月為知己細雨斜風不著人西塞貪看

飛白鷺東華忘卻軟紅塵
還思擾擾馳名者肯信人間有逸民

排悶

四海干戈戰血腥
頭皮畱在更須名
病尋藥物為閑計
悶引文書作睡程
萬事轉頭慵挂眼
一盃到手取闌情
此身定向山間老
我與山英有舊盟

雄飛亭主人張君器之有

龍虎之行賦詩為餞

千丈虹霓卷壯圖
幾回彈鋏嘆無魚
南溟久滯垂天翼
北闕誰飛薦鶚書
投筆尚希班定遠
題橋終遂馬相如
浩歌若過燕山市
為我登臺吊望諸

蘭文晚節軒

晚節誰能識此君
一官不復任浮沉
蟄龍未起三冬臥
老驥猶存萬里心
陶令不來尊有酒
嵇康已逝室無琴
橫漢文字光千古
舊有新詩播士林

壽縣大夫薛寶臣

薛姓嬋媯自古分君侯苗裔釋其門已聞
佳績多前古更溢餘波及後昆久屈祥鸞
栖惡枳稔推利器遇蟠根徵書未至身閑
暇且看尊前舞袖翻

二妙集卷之四

五言律詩

菊軒先生

贈荅詩社諸君

賣藥韓康伯能詩張志和真鋼須百鍊明
鏡要重磨眼底如君少閑中得子多兵連
猶未解莫厭數相遇

漫成二首

一榻了窮冬吾生喜易供儘教人笑拙寂



苦客妨慵無寐閑
欹枕忘言醉倚筇
可憐猿與鶴
歲晚肯相從

時序驚何速
形骸強自持
鬢冠毛屢脫
束帶孔頻移
蹭蹬成空老
吟哦不救飢
百年行已久
一笑歆何之

和荅木庵英粹中

四海疲攻戰
餘生寄寂寥
花殘從雨打
蓬轉任風飄
有興歌長野
無言立短橋
弊廬猶在眼
殊覺路途遙

送王子壽之平遙

卜築謀南邁，回轅遠北之。
有情慚見厚，無語只空悲。
易忍行時淚，難堪別後思。
明年鴈來日，屈指數歸期。

宿靄添行色，晨鍾戒御裝。
去期何太迫，別語不成章。
戲彩憐文度，扶衰賴孟光。
臨分一卮酒，目斷隴雲長。

識面時何晚，論心分已深。
才其後一，料遠分襟別日宜。
加飯因風莫吝音，家山

有成約問健早來尋

壽李濟夫人

夫子何為者昂藏不入時眼前諸事罷
膝下兩兒嬉落落真難合悠悠聽所之
黃花一盃酒歲喜與君持

七言律詩

蕭少府挽詞 并引

隰倅蕭君余不識為何如人也
余初入城府謁予於客邸故衣

敗絮眇然一寒生爾爾後時時
於朋游中見之類益恭氣益和
與之言確然有守而不踰乎中
其加于人豈一等也一日卒于
平陽之學會府僚張戾而下皆
有挽章吾友公度邀余同賦義
不可辭且蕭君母氏在堂臨年
而失賢子行道之人聞之為之
出涕以相其哀嗚况平昔常所

往來者為出一章以弔但辭鄙
義拙不足以發明蕭君之德業
例奉總惟以黷為愧

蘭杜摧芳不待秋令人洒淚怨靈脩門前
吊客多青眼堂上孀親半白頭共說才華
為衆許豈期仁義是身讎一杯冥冥重泉
上野老相傳說故侯

總管李侯移鎮京兆病久不能
即門翠奉卮酒一賀為慚謹作

拙惡以餞行軒

一扎飛書下日邊
龍移方伯殿長安
晉城父老心皆泣
秦地奸豪膽已寒
千里馳驅容驥展
九霄空濶看鵬搏
十年潦到登門客
卧病無由挽去鞍

和師巖鄉遷居之韻

君看行路古來難
木鷓其間得小安
三窟未成那用狡
一枝粗穩不須寬
破除夢境元無國
收拾詩盟舊有壇
秋菊春蘭俱可

喜等閑乘興一憑欄

伯和告別北邁欲得一言以資
行橐惓惓之意蓋不能遠也病
臥中殊無好懷謾此以贈

聽唱離歌一再行翩翩裘馬戒晨征
擬業馭馭壯夫志去國遲遲遊子情
野店人荒休奠枕山蹊路險莫貪程
一鞭行色西風嘖萬里秋空片鷓橫

李公子誕日賦詩為壽

歲晚喬松益佷強幾經風雪幾冰霜鬢毛
不與秋同老名字長隨菊共香階下芝蘭
相照映人間岐路極微茫願君參取東坡
法有病安心是藥方

張提舉子華報政中臺賦詩為
餞第荒淺良愧也

朝堂遣吏出分巡無養遺黎尚舊人今日
不虛前日舉去時仍似到時貧一心耿耿
公家務兩鬢蕭蕭驛路塵鞭算自君家世

事蹄涔未足躍天鱗

送婁郎中秀實北上

氣壓元龍百尺樓
搏空鵬鷃政高秋
珥貂自屬封侯相
借箸咸推次勝籌
會計不勞談笑了
功名未肯等閑休
并州豪俠流風在
慚愧儒冠謾白頭

壽李濟夫

往來詩酒晉城間
白首相看尚昔年
鳩卜一枝如我拙
驥思千里屈君賢
床頭文史

猶堪樂眼底芝蘭正可憐但願太平身健
在西風長醉菊花前

送總管李侯北上

姓名合上郭公臺落落襟懷間世才
飛騎屢朝天上去好音時向日邊來
中心都為明日早盡東門常因下女客開萬里鵬程從此始垂天雲翼看徘徊

辛丑清明後三日詩社諸君燕

集于封仲堅別墅談笑竟日實

主樂甚然以未得吾兄弟數語
為不足既而遯菴兄有詩余獨
未也主人責負不已因賦此應
命云

燕子歸來人未歸平生事業與心違天翻
地覆春仍好雨打風吹花又稀淡抹平林
煙萋萋亂飄香雪絮霏霏可憐光景誠虛
擲坐對虛尊到夕暉

善惡人情已飽諳岸紗宴座看晴嵐折腰

不是淵明懶作吏元非叔夜堪老去一觴
猶有味病來萬事更何貪從頭悉讀行年
記慚愧春風四十三

寄題張氏雄飛亭

大署佳名揭棟薨相君英氣見平生心隨
燕鴈共千里志效齊禽眇一鳴昭代誰人
飛鷄表滄溟何日徙鵬程會乘風便扶搖
上但恐垂天翼未成

紅梅

誰點冰稍絳雪團黃昏和月倚欄干羞隨
桃李爭春意要伴松筠傲歲寒冷艷只宜
閑處著淺粧難入俗人看天心固惜和羹
便空抱枝頭一點酸
淡掃胭脂碎玉團天生異物著江干月邊
標格嬌增韻雪底精神巧耐寒春意祇應
容易見人情還作等閑看可憐棄置蓬蒿
外倚杖東風鼻一酸

送仲堅漢臣二子過南澗歸賦

是詩

樓蟻微生脫怒濤一
菲容膝儘逍遙官情
更比詩情薄日力聊
憑酒力消心類僕重
寒更切鬢隨霜葉病
先凋兒童失笑翁慵
甚送客今朝卻過橋

寒食後有感而作

二月山城尚薄寒冬
衣未解嘆衰殘賞心
更比年時減酒量全
非舊日寬點點花隨
春共老悠悠詩與夢
俱闌此身只合山間

了熟業何勞鏡裏看

薄命書生不足論
春來顛顛寄荒村
花間也作南華夢
眼底還無北海尊
風掠平波寒剪剪
雲拖殘雨畫昏昏
興來偶逐歸禽返
燈火人家半掩門

送史生仲恭北上

製馬翩翩事遠遊
少年豪舉氣橫秋
愛君早有四方志
為我能無一日留
擊筑悲歌增感慨
倒瓶濁酒浣離憂
他時相憶勞回

首何處風沙認晉州

仲堅將去平水成行之夕飲於

史氏之山齋

得子膠膠擾擾聞往來未熟各衰顏百年
更有幾回醉一月都無數日閑不放肝腸
中白墮將何面目對青山相逢且盡今霄
樂明日紅塵復市寰

齋屋偶成

赤手誰能捋虎鬚溪山好處颺輕裾頭顱

久覺非侯相顏面從教與世踈一榻清風
塵土外半軒黃菊雪霜餘明經自爲兒孫
計敢與鴻儒論石渠

湛如古井冷無波鈍若吳鉤澁未磨半紙
功名蝸左角百年身世蟻南柯天翻地覆
親曾見莫四朝三都幾何萬事轉頭供一
笑白來事業儘蹉跎

冬夜無寐書以自適

四壁催頽手重泥一技隨意即成拙
歸來

已化千年鶴老去
慵聽半夜鷄
世事榮枯
都是幻物情
長短不須齊
寸心耿耿何人
會
隱几西窓
月色低

用韻答封張二子

有斤誰斲
鼻端泥
借榻聊從地
主栖萬事
成虧均野馬
半生癡點等
醯鷄
文章自笑
非時樣
道德空期
與古齊
老懶正宜
閑處
著高名
無用不如低

心如蘆絮已沾泥
身似鷺禽未得栖
壺缺

何煩歌老驥冠成不復帶雄鷄黃公道跡
紛辭漢范蠡逃名徑入齊回首平生事堪
笑少年豪氣北山低
草鞋不踏禁街泥一把黃茅足穩棲賦性
可憐如野鹿驚心未免聽朝鷄是非畢竟
何時定出處從來自不齊坐斷寒更吟未
了爐灰雪積火潛低

再用前韻

勞生擾擾燕銜泥常逐東風到處棲止渴

空漿那及酒供炊無米敢言鷄僊人墮淚
空碎漢處士為書已贊齊陋巷自無車馬
到衡門從此不嫌低

再用渠字韻

兒女憐翁競挽鬢侯門何事曳長裾功名
於我非所願風月與人良不踈絳灌自能
扶漢業綺黃只合老商餘耳根一洗塵囂
淨灑灑寒泉玉漱渠

倚門吟嘯撚冰鬚笑羅山堂月滿裾活計

蕭條秋水冷鬢毛
衰颯暮林踈
難將朽質
供時用
幸有藜羹
給歲餘
自笑妄生
分別
相清溝
未必勝
汚渠

和荅舟山夢菴張丈

抖擻征衣
衣上塵
歸來白髮
一番新
剝將
酒向愁邊
酌卻恐人
嫌
醉裏真
世事飽
諳
惟欲睡
詩情謾
苦
只能貧
歲寒
松柏東
風
外付與
千林
自在春

幸自無人識
姓名
忍將兩脚
闌中行
兀傲

有我安排了強欲趨時作麼生案上一編
聊慰眼世間萬事不關情此心惟有沙鷗
信來往江頭自不驚

中秋之夕封生仲堅衛生行之
携酒與詩見過各依韻以答

萬籟聲沉暮靄收長河馮浪洗清秋遙天
千里澹如水明月一輪光滿樓隨意傾銀
成勝賞誰家橫玉調新愁可憐白首蟾宮
客羞對嫦娥說舊遊

夜涼河漢靜無聲
澄澈天開萬里晴
蟾吐寒光呈皎潔
桂排踈影甚分明
良霄方喜故人共
醉語那知鄰會驚
一片詩魂招不得
九霄直與月俱清

翼日二子見和復用韻以答

短髮蕭蕭散不收
老來何意更悲秋
常年有酒或無月
今夕乘晴好上樓
休對嬋娟談往事
祇將笑語替清愁
冷光願照金尊裏
記得開元太白遊

忽聽城樓暮角聲飛空片月快新晴雲煙
歛跡無纖滓星斗收光不敢明千甲共看
人已老一枝難穩鵲頻驚聊吟空到三更
盡病骨不禁秋氣清

香霧霏三晚漸收水輪飛渡一天秋便遠
東海騎鯨客同上西家拍酒樓不念此
拚一醉更於何處數年年人自如人
夕水結無情汗漫遊

好將絃管試新聲月正圓時天正晴

酒杯浮澹澹香飄桂實甚虛明
樂亦無
人爭看抵掌狂歌鳥暗驚
解后尋常
笑勿論誰濁與誰清

丁未立春日與魯齋景純文生
飲坐中魯齋有詩且需茶和焉
賦此

花枝摘索鬢詩催自笑吟懷老
未厭白髮
漸如殘雲滿朱纒不逐早春回
可人襟韻
來三客入帳風
一梅有酒
聞身強健

在莫教閑卻手中杯

翌日再用前韻簡二三子

長吟未了雨
未催雪積寒
爐火漸灰一點
放頭紅尚淺
半痕溪面綠
初回行擔酒債
還思杜坐得
詩窮大笑梅
報春風光無好
語對時虛覺
費清杯

獨坐有懷往昔復次前韻

短髮刀騷不受催
坐看浮世幾飛灰
流年冉冉人空老
往事悠悠首重回
天遠望窮

端去鴈地寒瘦損折殘梅等閑無計驅愁
得除向壚頭試一桮
快飲休噴急管催昔人不飲已成灰轉頭
晚景無多子屈指春風又幾回撥悶直須
煩麴蘖和羹宜且置盞梅莫言兩半灘無
用花下猶堪把酒狂

衛生行之少負俠氣與余兄弟
相遇於艱難之際自抑惴惴常
若不足迨今十年矣家貧而益

安豈果有所學乎不然何其舍
彼而取此也生正月十六日誕
彌日也因賦詩以贈為一笑樂
且以堅其志云

低心不肯逐時趨坐覺雞儲歲屢無試于
耕維新事業傳家子治舊規模膝前癡駘
憐文度酒後麤狂憶阿奴
生弟獲之者而
而在生每答之但願
年年身健在一尊長得與君俱

再用杯字韻

綠髮潛為白髮催
賞心半逐壯心灰
已拚事業因循却
又放風光寂寞回
春意等閑遺
病木曉寒特地如
芳梅病來止酒人
應笑忍對良辰具
此杯
人間聲利任渠催
烈焰何嘗發死灰
世態翻雲悲易變
年華如水挽難回
驚心舊曲空聞笛
點額新粧不見梅
百轉枯腸思一漑
虛名方信不如杯

送山人李生湛然之燕

驚塵浩浩塞雲寒，珍重儒冠莫浪彈。相府
豈能容阮籍，館人那解識馮驩。無書可上
裘空弊，有夢難通刺。款漫且好駐君千里
駕，小齊如斗足容安。

戊申四月書于史氏仲恭別墅
飄飄天地一塵儒，問柳尋花未要扶。老去
生涯三徑在，向來意氣一分無。尊前乍喜
紅朝頰，鏡裏那知雪滿鬢。睡起北窓成獨
笑，人間岐路足崎嶇。

午芹道中

泚泚江風吹葛衣
愛閑長與世相違
青絲步障拂千樹
碧玉屏風山四圍
入眼江花如慰意
近人沙鳥信忘機
虛名到此成何事
一笑平生始覺非

漫書

山翁只合坐山房
四壁蕭然一木床
心為感時空耿耿
鬢因懷舊變蒼蒼
人間日月驚何速
物外光陰本不忙
一枕北窓眠正

穩却疑身世在義皇

擾擾膠膠人自忙
心閑無地不清涼
雨邊戰陣虬螭鬧
花底生涯蝴蝶狂
幸有文書遮老眼
豈無藜藿療飢腸
從教門外蓬蒿滿
不見白丁計亦長

五月朔日書以自適

隴月娟娟白板森
溪風颯颯冷麻衣
藜床坐穴人空老
鐵硯磨穿計已非
叔夜自難堪作吏
李膺那解早知機
但教方寸長無

事一酌清泉亦自肥

身貨休論兩孰多留連光景且婆娑
穀減得失不相遠蠻觸功名能幾何
悶後徑尋醅筵飲醉來慵擊唾壺歌
扁舟舊有江湖趣頃著藍衫換一簑

次韻周景純先生見寄之什

閑尋閑計適閑情日月催人慨易傾
築室未能依表聖卜隣先喜得君平
漸非世用甘藏拙謬得時稱豈是誠
我與西山相信

久不須更與白鷗盟

元日夜與二三子小酌

一尊相對意如何
卻恨歸來白髮多
萬事到今從鹵莽
一年好處莫蹉跎
閑收暮景供清酌
醉挽春風入浩歌
多謝東君不嫌客也
教衰朽得陽和

幽懷用夢菴張文韻

此懷耿耿付東流
蒲柳形骸不耐秋
老去始知身世幻
病來漸覺鬢絲稠
青蠅黠物

驅還至白鳥猜人挽不畱收拾閑愁供晚
睡西風吹夢冷悠悠

自嘆行藏久謬悠多君雅志在林立一生
斷向閑中了百計何勞分外求總把行年
償酒債更將餘日費詩籌膠膠擾擾人間
世一笑尊前萬事休

百年過眼半羈旅十日逢人九嘆嗟
夜不堪長抱病馮驩何苦久無家
飄零身世風頭絮淡薄人情春後花
擬把餘生釣江

海為煩厭子借左思槎

起來乘霧看年華便著芒鞋代處
明邊鏑落日響天盡處散餘霞
火起無多實甘菊商量有數花
滿酌一缸都下計人間萬事正安蛇

封仲堅挽詞

幾年為我駐行輶一閉幽宮挽不
故丘君飲恨熒熒遺息衆為憂
皇天無地申三問隙地何人借
一杯重對平時

野燼荒草祗增愁

藏身無地古難堪
賻葬何人為晚
臨樊子
未來誰主後
緹縈猶在勝生男
十年從事
如春夢
千古遺經憶夜談
一片羈愁
得不
得暮天黯黯冷雲曇

昔嘗爲指計
前期今守窮廬竟死
爲
每慚調護在餘生
誰能急難時
正
莊周泣鄰笛
遙聞向秀悲
一片秋聲
不
磷更堪重讀
爲
郊詩

薛寶臣生朝

曉砌初開十二萸一尊介壽為君傾晉闈
存義能從政今見元欽又繼兄謝傳階前
瓊樹秀老萊堂下綠衣輕莫言小邑徒勞
耳萬里青雲第一程

送張需之北上

仁馬翩翩出漢閑春風寒草幾芊綿人憐
季子貂裘敝自誓桑生鉄硯穿羊角會搏
溟海上鴻毛行遇順風前吾軍政賴君增

氣萬里青雲穩着鞭

眯眼風沙去路迷又携書劍過山西片心
耿耿摧尤壯六翩翩養復齊千里會看
黃鶻舉一枝休歎彩鷲棲丈夫自有乘車
日司馬橋名不浪題

蘭氏晚節軒

幾年會計屈微官五斗才堪給酒錢野鶴
風標寒愈峭巖松節自老方堅石腸示省
隨時轉鉄面何嘗與世妍回首風煙三徑

晚典刑當作畫圖傳

都把升沉不置懷一尊時對好山開張公
雅有江湖志崔子本非丞貳才為政從渠
嗟拙宦買田已自賦歸來高情想像常如
在不逐春風沒草萊

贈醫者

術以醫名行以儒為人不肯著方書共高
世外封君達自許山中陶隱居握手即為
他日計論心羞未古人如有兒還解傳家

否試問門前長者車

壽尊兄遜菴先生

筆頭風雨幹千鈞
早歲嘗充觀國賓
避事就閑真得計
有才無用且藏身
虛名到底將安濟
涉世而今不厭貧
白髮相看老兄弟
暮年同作太平人

送王載之

鞍馬丁年事遠遊
北州未穩復南州
育懷落落馮驩缺
塵土翩翩李子裘
擊筑悲歌

增感慨倒執濁酒浣離憂一編笑我衙幕
底坐送光陰到白頭

自壽

霏霏晴雪點吟鬢颯颯秋風戀客裾計拙
每為妻子笑痛多還覺友朋疎行年如此
事無幾破屋脩然家有餘濁酒一杯吾自
樂人間富貴不關渠

雨後漫成

羈思紛紛不易裁晚涼扶病獨登臺翩翩

幽鳥避人去
旂旆輕雷送
雨來已拚此身
閑裏老且將
笑口酒邊開
安車待聘非
吾事
休作姑山隱
逸猜

詩情牢落不堪裁
人物風流愧玉臺
門外寂無肥馬到
枕邊剩有好山來
年華滾滾身如幻
世事膠膠眼倦開
擬把餘生寄江海
沙頭鷗鷺莫驚猜

再和

涼月娟娟玉半栽
恍風吹夢下瑤臺
笛簫

鄰杵相和切秋共羈愁一併來到處溪山
容我懶遣時顏面尚誰開少陵可笑行藏
拙獨倚危樓剛自猜

瘦杓天然不用裁日傾新醞剝蓮臺幾回
醒酒風纔過一霎催詩雨又來兩脚只堪
閑處著寸心贏得片時開此身有類傷弓
鳥曲木無情亦暗猜

三和

壯志如今日搏裁功名不覆夢雲臺半生

回首事安在一葉驚心秋又來不引壺觴
聊自勸未知懷抱若為開浮名畢竟成相
誤盍作閑厓鴉毒猜

紛紛巧剽裁何如無事醉春臺脅有
一笑亦良苦有田幾時歸去來百念都隨
灰燼冷一尊聊為聖賢開從今便入農桑
社園交溪翁莫見猜

四和

嘗把閑身靜品裁殘生何幸脫輿臺田園

依舊喜重到松菊就荒傷獨來懶散從教
塵事廢襟懷難對俗人開自量不肖非通
客為報山靈且莫猜
林外炊煙細若裁詩情引上賦詩臺螢從
楊柳梢頭隨雨向梧桐葉上來華髮蕭蕭
秋更短衙門寂寂晝慵開終南佳處吾將
老仕宦休為捷徑猜

五和

身世浮雲不受裁羊裘重負子陵臺隨人

明月娟娟靜吹面涼風特特飛多技漫勞
寧似拙兩眉深鎖不如開床頭忘却糟糠
酒誤作蕭蕭夜雨猜

一位無心入聖裁姓名不到郭公臺閑稽
藜杖看雲度靜掃松軒待月來未把酒杯
頭懶舉試拈書冊手慵開荒才自信非鄙
樂安處青山有底猜

張七賢圖

七賢不與竹林期人物風流各一時妙語

霏霏皆作者高情落落更安之山川如畫
靈猶在溟渤飛塵世屢移欲薦菲辭無處
問黃流千里夕陽遲

贈琴士任先生

翛然天地一癯仙
誤落紅塵二十年
萬事成虧雲過眼
一身蹭蹬雪盈巔
枝頭欲寫卷中趣
洗耳試聽徽外絃
他日遂君林下約
月明風露淨涓涓

藥郎中萱春堂

共道傳家以義方長留春色在萱堂靜宜
有壽何須祝樂自無憂不待忘華萼光輝
連二妙瓊林照映列諸郎要看靴笏床俱
滿歲月靈椿未易量

客菴軒

走偏人間行路難歸來始覺此心安半椽
自覆人應笑兩膝之容吾已寬階下蘭生
猶可佩籬邊菊老儘供餐微軀此外無餘
事一炷清香篆曲盤

總管隴西公歸自趙城

曉鞍催發五更鐘
王事匆匆不易從
雪氣空濛迷馬首
霜威跋扈襲裘茸
誰家村落鷄頻唱
到處園林鳥絕蹤
卻憶雲山舊栖地
擁衾高卧養吾慵

賀李侯西覲回

帷幄雍容擁萬夫
雄襟英槩漢臧吳
獠兒坐失重巖阻
戰士爭先九折驅
去日旌旗填蜀道
歸時笳鼓競堯都
繆為門下登龍

客擬頌勤勞愧腐儒

坐擁貔貅十萬夫
雍容帷幄看投壺
威風栗烈前無敵
膽氣輪困大滿軀
銅柱直期標百粵
連城潛覺失全吳
江南公事行將畢
願獻扁舟范蠡圖

二妙集卷之四終

二妙集卷之五

絕句

遜菴先生

九日山園小宴取五柳公采菊

東籬下為韻賦詩侑觴

世無李元膺誰容孔北海長歌歸去來籬
菊無人采

古來賢哲人餓死真空谷清盃幸不空且
醉籬邊菊



風雨山城暮黃華自滿叢幽懷若為寫正
要玉西東

愛酒陶元亮持杯對菊枝醉時推客去猶
復有藩籬

飢食秋菊英采采不盈把日浴四山昏獨
樂衡門下

仲冬之初家第誠之自斧溪得
紅梅數枝作三詩以見意夜歸
枕上次韻回山中二三子

十月梅花春未知
竹間璀璨祭出斜
枝耐寒巧作新
粧面絕勝含章
簷下時

顏色馨香幾箇
知叢篁深處見
橫枝孤標
祇得詩人愛
筆樣而今不久
時

梅格孤高只自
知耻隨桃李
聞新枝天寒
翠袖依脩竹
卻在橙黃橘
綠時

盧希顏草蟲橫披

半李黃蘆相並
枝秋蟲蘭酒
弄幽姿畫師
老筆生新意
寫出無聲七
月詩

暮春有感

忙携歌酒趁清歡
桃李都能幾日看
欲識詩人愁絕處
落花時節一凭欄

春到蕪菁事已非
杜鵑看又喚春歸
幽香一點無尋處
燕蹴飛紅染客衣

及時行樂不應遲
管領風光更有誰
花落花開春又去
都能消得幾篇詩

翠微上人病間

嘆息維摩老病身
散花丈室久無人
呼兒

郤問文殊疾公案而今脫地新

梅華十詠

憶

姑射僊人冰雪膚昔年伴我向西湖別來
幾度春風換標格而今似舊無

夢

天僊邀我醉瑤臺春向飛瓊笑裏回為報
梨花緣已斷休將雲雨下山來

尋

風流誰似李三郎不記僊姿委路傍天上
人間無覓處風來羅幕只聞香

探

號國夫人約素身不教脂粉浣天真一斑
曾向春前見顏色如今更可人

乞

寄語詩人林隱君水西千樹要平分玉顏
絳領堪娛老御史何勞覓紫雲

折

白玉堂深夜色寒玉兒和月倚蓬山高情
不似章臺柳也許餘人取次攀

臭

手撚冰蕤步月華暗香先已透
蜜瓜壽陽畢竟無才思但卧含章拂落花

浸

玉骨渾將山麝薰冰肌得水更精神
凌波微步東風軟羞殺當年洛浦人

浴

脉脉晴天翠幕張
玉環月底按霓裳
卻喜塵汗香羅襪
故著溫泉為洗粧

惜

窈窕銀屏掩畫堂
為嫌玉瘦怯昏黃
落葉猶可為香爇
不學翔風老退房

花木十詠

海棠風

玉妃酒暈透香肌
滿頰嬌紅睡起時
小立沉香亭子外
釵橫鬢亂任風吹

楊柳煙

舞罷霓裳醉似泥
六宮誰敢闚腰肢
侍兒扶起嬌無力
雲母屏深午醒遲

荷葉露

仗下華清賜浴時
溫泉香膩洗凝脂
團花翠壁琉璃滑
狼籍珠璣醉不知

葵花日

曉日穿花透翠帷
惟環兒軟語訴分離
髮膚之外皆君賜
妾自傾心君不知

菊花霜

風簾斜揭玉鉤攔端正樓高燭影殘宿酒
困人梳洗懶從教殘粉宛金鈿

芭蕉雨

梨園弟子去無蹤門掩蓬萊繡帳空寂寞
綠窗深夜雨傷心不獨有梧桐

梅花月

蓬島春寒減玉肌卻憑羽客寄相思凭几
私語長生殿惟有當時好月知

以茶雪

娘子宮中儀體新
入姨羞把舊粧勻
畫羅瑞錦難相稱
故着龍香簇絳巾

退之留別大顛圖

吏部文章日月光
平生忠義著南荒
肯因一轉山僧語
換却從來鐵石腸

漢陰抱瓮圖

鑿井為畦並漢臯
區區抱瓮不辭勞
古人伎倆今人笑
舉世師師尚桔槔

丁未三月二十八日縣大夫

薛君寶臣過余芥溪精舍酒間雨
作時方苦旱喜而賦之

麥田日日起黃埃官長憂民意不開底是
山靈相媮媚故驅風雨過江來

明日孛生湛然見和仍韻荅之

東風吹雨絕纖埃尊酒相逢盡日開不是
官閑公事少此中能幾回來

日烘窓戶裊輕埃醉眼朦騰尚倦開不是

故人留顧盼，衡門未肖有人來。

壽衛生襲之

去年即席賦新詩，今歲迎門把酒卮。似此
相逢能幾度，莫教虛負百年期。

爲龍門史師壽不遇

香霧霏霏曉未開，尊特地爲君來。仙翁
落魄，如何處貪醉蟠桃不肯回。

楊生彥衡神初夏三數詩過余

徵和雖勉強，應命格韻枯槁深。

慚見知

枝頭梅子半傳黃
門巷陰陰午景長
爲語兒童休報事
乃翁方且作詩忙

刁騷短髮半垂黃
深覺閑中氣味長
買得溪山猶是錯
往來枝履却成忙

薔薇經雨墮輕黃
芍藥翻階竹笋長
年少往來常不住
恰如蜂蝶爲花忙

案上新經未入黃
風簾不動篆烟長
須知靜裏乾坤大
不覺飛空日月忙

奏賦當年對赭黃
漁樵今日話偏長
青山綠水無窮意
始信人生空自忙

酒熟江村擘蟹黃
論詩看劍引杯長
閑身懶散無拘束
笑殺君房醉裏忙

老來閉口罷雌黃
書卷慵拈白日長
門掩東風無客過
不知人世有閑忙

不來紆紫與懷黃
竹杖芒鞋野興長
信步芹溪溪上路
楊華又是一番忙

晨興賞翫抵昏黃
晝短其如夜苦長
秉燭

醉歸君莫怪一生能得幾回忙

蟾蜍詎可逐飛黃雲海茫茫去路長世外
僊方無分得滂勞心力一生忙

送雙白渠使梁君二子北上

連壁雙飛二鳳毛眼明又復識英豪
鸞鳥聲嘒嘒朝天日想有新詩奪錦袍

送故人子赴燕

莫謂城南尺五天此行幾日到幽燕
昂霄聳壑從茲始萬里青雲穩着鞭

菊軒先生

乘興杖履山齋值梅始花裴回
久之因折數枝置之几側燈下
漫浪成語簡諸友一笑云

戲蝶遊蜂總未知
小窗低亞兩三枝
夜闌燈下橫踈影
渾似西湖月上時

漏泄春光人未知
輕紅已透最高枝
洗粧自有天然態
儘道冰容不入時

幽香不許俗人知
纔是東風第一枝
誤認

文君新睡起讀書
函下立移時

光德道中

行行不覺到斜陽
顧影頻驚爾許長
返照此身還此是
莫因外景便承當

和荅陳子京

擾擾浮生等聚嬉
風波千丈渺無涯
掩關一卷床頭易
後眼從渠笑絕癡

雲山咫尺阻同嬉
望斷音容天一涯
聞道城居取堪隱
翫為計未全癡

梅花十詠

憶

初謁瓊漿記昔年
迎門一笑想嫣然
夜來雪暗前村路
恨滿東風意不傳

夢

神女塵緣久未忘
飄然隨月到高唐
歡情未接還驚覺
雲雨陽臺空斷腸

尋

玉想形容霞想裾
雲英自與世姬殊
幾年

來往藍橋路
搗盡玄霜得見無

探

未嘗親到謝家堂
風韻何由識
謝娘說與
選花場上客
須知林下勝
閨房

乞

漏泄春光洛水傍
茶雲名字襲人香
可能
惠我黃昏伴
休笑分司御史狂

嗅

玉骨那愁瘴霧傷
好將經卷伴南荒
皮

鼻孔清如水老覺朝雲道氣長

浸

洛浦飄飄信有神凌波忽覩一枝春
摩娑老眼看微步旖旎香生羅襪塵

浴

洗盡鉛華見玉環肌膚冰雪照人寒
臨風脉脉嬌無力輕裏香羅半未乾

惜

襟袂儵然風味酸
北人誰識蔡姬賢
可憐

拋卻清伊月埋沒邊沙二十年

花木八詠

海棠風

宿酒微醒不自持君王催喚太真妃
醉紅睡起依然在忙情羅紈為解圍

楊柳煙

九原喚起李夫人誰炷僊香為返魂
一捻宮腰渾瘦損舞衣微帶瑞雲痕

荷葉霧

泉客將歸返故淵
西風渺渺碧波寒
主人情厚無他贈
一把真珠泣翠盤

葵花日

戀戀天光下玉階
明妃初出漢宮來
情知生死歸無路
一點芳心誓不回

菊花霜

六宮試手學梅粧
曾見飛英點額傍
香粉罨餘濃不散
唾花誤染縷衣裳

芭蕉雨

憶別春容已十年回紋錦就倩誰傳都將
一掬傷心淚洒向蠻溪數幅牋

梅花月

別後盟言不忍寒舊官到底勝新官情緣
未斷還相見人復團圓鏡復完

山茶雪

飄飄天上謫僊人嘗作金鑾侍從臣老大
風流殊未減錦袍如舊白頭新

龍門八題

禹門雪浪

峽東洪流起怒濤
亂翻晴雪與雲高
徐看行處元無事
小智區區枉用勞

雲中暮雨

古壘雲藏一經微
河山依舊昔人非
貪徵往古興亡事
不覺城頭雨濕衣

躡躑躅晴嵐

雲拖殘雨歛前峯
翠色寒光溢幾重
應有詩人偏著眼
時施膏沐為渠容

雙峰競秀

雲外亭亭聳翠環
天荒地老兩峯閑
若教工部嘗經眼
未肯將詩譽玉山

神谷藏春

山間草木四時新
一脈清溪不染塵
忽見漁郎驚借問
却疑儂是武陵人

僊掌擎月

月出山頭未數竿
仙人掌上玉團圓
瑞光冷射三千丈
絕勝碧蓮峰下看

姑山夕照

日鎖群峯欲下遲
籠蔥一片冷烟脂
醉吟著我扁舟尾
畫出坡游赤壁時

汾水秋風

一曲劉郎發耀歌
歡情未已奈悲何
只今回首空陳迹
依舊秋風卷素波

蒲川八詠

蒲津晚渡

城下行舟一箭輕
城頭落日半竿明
河流

洶洶風仍急時聽浮空欸乃聲

虞坂曉行

林外晨鷄第一聲隴頭殘月伴人行未知
局促蓋車下老驥蕭蕭又幾鳴

舜殿薰風

煩暑人間不可支暫來侈殿獨委蛇南薰
一拂清如水猶似當年解愠時

首陽晴雪

薇歌一曲對西山萬古清愁老翠巒望斷

空岩人不見光搖銀海玉峯開

東林夜雨

煙雨濛濛古梵宮
院庭深悄若無僧
林梢一點熒熒碧
知是層樓供拂燈

樓岫疊巘

山色滎青不染塵
何年精舍構嶙峋
也知偏入閑人眼
為現雲間清靜身

嬌娜夕陽

嬌水橋邊日下遲
蘿蔥一片冷臘脂
山川

良是風猶古想像莫煌下嫁時

王官飛端

冷雲深處漾寒清千仞懸流玉練明
車馬往來山下路何人到此濯塵纓

幽居奉借

遯菴尊兄嚴韻

呈隱之潤之二英弟一祭

解鞍供榻避氛埃淨拂風軒待我開
詩句墮前還忘卻聊書歲月記曾來
浮榮過眼等浮埃尊酒相逢一笑開
門外

紅塵高萬丈莫教一點鬢邊來
小軒如斗靜無埃面向青山好處開
幽人招不得一尊今日為君來

和李生湛然聞杜鵑有感之作
五更枕上夢魂清初聽催歸第一聲
我亦無家更安往任渠啼血不開情

張信夫夢菴并引

子張子寓跡於里西之樓舍
夢名其室且命余訂之夫人

方夢也念念有別
得其意則於心
雖一失其意則於
以為憂昏昏泯泯
之中初不知夢之
不知也故為憂樂
然而覺始知向之
虛妄也世之人貪
精神耗思慮終日
弊弊焉顛倒

錯亂於憂樂之域而不自覺悟者庸非夢邪蓋寐者歛矇之夢也寤者矇目之夢也是以達人
大觀寤寐兩忘雖視其身猶以
為夢幻况區區之物烏足累其
心哉始作是詩而為之獻亦以

自釋爾

憶昔邯鄲道上行半生回首夢初驚而今
始覺非真實過眼浮雲萬事輕

覺時常笑夢時訛夢覺其間爭幾何聊爾
藏身大槐國閑看明月上南柯

一身栩栩復蘧蘧為蝶為周我自如寤寐
人間等遊戲此心無也下三句

世味迷人不知紛紛蕉甕競爭為山翁
正坐山堂上笑問黃梁第幾炊

和楊彥衡見寄之作

幾年奔走趁槐黃兩腳紅塵驛路長夢破
邯鄲成獨笑半生回首只空忙

西風浩浩塞塵黃
白髮綠愁若箇長
客夢五更驚
忽斷打門縣吏索租忙

一裘誰爲製玄黃
無可柰何秋夜長
我自忍窮方未暇
不知靈觸戰爭忙

一箒初舫十里黃
故園歸計渺何長
可憐兀兀青灯下
還似當年舉子忙

小園蘇茹待秋黃
不事薑薑味自長
口腹累人良可笑
可能終歲爲渠忙

幽跡無心學綺黃
荒才次世本非長
年年

來往蕪然道卻為山林有限忙

古瓶梅花為總管李侯賦

錦帳銀瓶浸玉肌風流應自有人知夜深
忽下橫疎影絕勝西湖月上時

送馮資河歸西山

人間蠻觸日干戈暮四朝三都幾何此去
莫憂瓶粟罄西山雨足蕨薇多

蕭蕭華髮老書生久欲歸田計未成喜聽
日邊消息好故山容得子真耕

幾年思慮漫營營重見西山眼倍青
曾次無塵元自好未頭况有洗一經

候門稚子喜歸來暖熱那無酒一盃
抖擻滿身塵土盡襟懷還對好山開
別離最苦暮年時百感中來不易支
牝去故園行樂處詩成以否寄相思

徽宗墨竹

野禽背立歲寒枯想見當年落筆時
吮墨綴辭俱喪國九泉笑殺李承兒

贈師巖鄉

老大溪山入夢頻
強憑圖畫寫情真
躡興不及身強健
山有英靈恐笑人

蘭氏自燕齋

萬事榮枯一笑間
情知使足定誰關
繡斧依石寬如斗
卧看溪雲出岫還

明皇小夫圖

志在馳驅禍已胎
笑顏况更為誰開
貪榮飛鞞鞭駮去
不覺踰垣有鹿來

周生景純贈菊數本因拾舊事
依韻答之

陳國君臣醉宴時
可憐壁月照瓊枝
薔薇露濕仙裳重
笑殢君王索好詩

萬里文姬去國時
秋霜已到歲寒枝
歸來滿面黃塵暗
怨入西風馬上詩

後世傑
經歷牧牛圖

綠陰深處戲童兒
牛自東西兒不知
休說兒狂無伎倆
人間何事不兒嬉

斷煙荒草澹無姿
寫出人牛自在時
豎尾一懽聊爾耳
不知何者是盈虧
兒自嬉遊牛自眠
葛洪石畔舊因緣
三生石上精魂在
一夢回頭又幾年

楊茂之志適軒

坐嘯行吟困即眠
心遊隨處莫非天
是中真意何人會
隱几蓬窓正嗒然
人心自有一羲皇
說着元來話更長
詩句墮前還忘却
卻坐看林影轉靈廊

秋日牡丹為友人賦病久無佳
思姑作俳語三章以應命對觴
一盧呼可也

訴盡中情在兩詩可憐誰識漢文姬歸來
已覺秋風脫標格猶應似舊時

秋雨瀟瀟無限思妄憑羽客覓環兒蓬萊
日月非人世不記梧桐落葉時

公子初離季隗時丁寧私語兩心知從渠
歲律春秋變一點真心死不移

00000001 NATIONAL CENTRAL LIBRARY, TAIWAN, R.O.C.

二妙集卷之六

雜言

遜菴先生

壽家第誠之

贈君以湘山桃竹之杖酌君以崑丘玉液
之泉泉以益肺腑之清氣杖以扶貞節於
暮年廼命童子敬設几筵抽中山秋兔之
毫舒浣溪五色之絳獮端溪薺肝之硯磨
伊川光松之煙遜含情而抒思寫棟宇之

新篇請君聽我歌
歌聲咽塞意不傳
玉堂金馬在何處
姑山汾水空連綿
世人所後我所先
此主安得不迤邐
但能道義達淵
騫何妨坐客寒
無氈鳥栖深林魚
冰淵膏以其明
遂自煎文字點勘
賞丹鉛朝夕胡
為粥與醴百年
飄忽如流川今日
已覺昨賢青州
從事殊可憐
徑須呼羹煎
花前一酌入口
百憂捐與君
曝背司醉眠
朝采西山芹
暮卧西山雲
十年混跡鹿
永

群閉戶不出避世紛
膏中涇渭外不分鶴
以聲自聞薰以香自
焚續經不用如河汾
教子讀書事耕耘
佇期道化行汝墳
敲門載酒來數君
徑呼大白與策勲
今微前事慕論文
竒語間出張吾軍
不覺庭柯暝夕曛
爛醉西風樂我負
惟國有狗方听听

景純浩然見過徑
飲成醉夜中雨
作比近五鼓
月色滿室曉起

書長語贈二子

退之方北歸見謁即成喜東坡還泗上鐸
聲欣入耳而况羈旅中解右遇知己東風
淡蕩百草芳游糸飛絮白日長一柁相祝
對流水白酒微帶溪芹香漁歌樵唱競相
展不覺半山無夕陽醉卧山堂聽山雨冰
雪對床揮夜語一燈照壁映悠悠似以冰
舟泛清楚夢回酒醒明月高風雨向來無
處所人生哀樂本皆空莫令身世如飛蓬

贈醫者呼延生 并序

外醫之名非古也今人徒見瘡
瘍發見於皮膚之外針砭可得
而攻之因謂之外醫然則解肌
剖腹湔洗腸胃漱滌五臟者其
亦外醫耶殊不知聽聲視色察
氣觀脉以知病之所在湯熨以
治其腠理針石以達其血脉酒
醪以蕩其腸胃扶虛疏實抑過
補憊疾無不起者今呼延生之

療疾也湯劑既殫各隨所施無
不立愈嗚呼非得之於內應之
於外烏能取效如此其速乎生
喜飲酒人之所酬無厚薄不以
介意一寓之酒其真得於酒耶
余賢其爲人故賦詩以贈之

君不見南齊潘聚師禁耳出箭鏑又不見
唐人孫覲生祝石使相擊祝溪溪不派徐
登先破的以樹徒癰疽伯宗多偉績後來

便說呼延生神異一時無匹敬誓言拯衆
疾猶已有飢溺吐氣作雲霓掉舌飛霹靂
炎涼隨手變衆苦已蕩滌百謝不一碩黃
金同瓦礫飲酒過斗餘醉不遺涓滴歸來
掩關卧瑤琴閑挂壁所至以義合無莫亦
無適衡門時見過笑語慰岑寂却愁仙籍
告功成便恐人間無處覓

癸卯中秋之夕與諸君會飲山
中感時懷舊情見乎辭

少年看意傲中秋手捲珠簾上玉鉤明月
欵上海波闊瑞光萬丈東南浮樓高一望
八千里翠色一點認瀛洲桂華徘徊初泛
灑冷溢盃盤河漢流一時賓客盡豪遠擁
鼻不作商聲詭無何陵谷忽遷變殺氣黯
慘纏九州生民冤血流未盡白骨堆積如
山丘比來幾見中秋月悲風鬼哭聲秋秋
遺黎縱復脫刀机憂思離散誰與鳩回思
少年事刺促生百憂良辰不可再尊酒空

相對明月恨更多故使浮雲礙照見古人
多少愁慳與今人照興廢今人古人俱可
濟百年忽忽如流川三軍鞍馬閑未得鏡
中不覺摧朱顏我欲排雲叫閭闔再拜玉
皇香案前不求羽化爲飛仙不願雙持將
相權願天早錫太平福年年人月長團圓

史伯友好禮齋

禹門山壁石巖崕驚濤拍岸石疑動奔騰
西去疾於飛千里一折不旋踵山水不得

獨當奇異氣鍾人生將種乃翁陰德及俊
昆臺木而今猶未拱大兒臂力幾色一
槩旁孤賁餘勇小兒精神大於身野鶴乘
風欲高聳人物風流此一時坐使山河價
增重讀書已能了大義務猶還知依畝墮
孰謂人間杞梓材肯與樛櫟同擁腫良心
一發不可遏油然而上若泉湧悅親誠身
固有道不待乎友深自悚一毫驕氣不可
作好禮名齋心益竦敷陳几席待佳士卻

掃門跪謝凡冗善言亟聞聞必拜未之能
行後惟恐結機柯嘗愧古人親詣仍能越
常奉慎恭勇智咸有節人偽不私無所壅
汝之所得亦已多更須道義相切磋佳府
勸客金巨羅主人起舞客齊歌遯菴野叟
鬢已皤坐中不覺哀顏酡六龍冉冉奔義
和少年事業毋嗟跼君其爲我疾揮魯揚
戈我亦笑君顛倒批韋河社時策杖重來
過更名此里爲鳴珂名與西山俱不磨

飽食歲示同志二三子

飽食終日無所用心方寸之微萬慮來侵
外爲物誘內即恡淫醉生夢死在桎亦深
夜氣不足弗違獸禽博弈猶賢虛廢光陰
凡百君子尚服攸箴

贈薛寶臣疎梅凍雀圖并以頌
之

玄冥司候百卉具衰此花獨秀于江之涓
傲雪凌霜冰清玉潔孤根盤石康柯浸月意

彼寒崔婉姿相依飲香啄藥生死不離歲
莫貞心祭祭清節孰與薦延移歸金闕鳳
鳥不至惡木日滋窮通有命舍是奚爲

陳文良臣誕彌今日謹拜手而

獻頌曰

矯矯夫君由義居仁風姿飄然野鶴孤雲
古有逸士今具其真四海鼎沸克全厥躬
我知天意未喪斯文不辱其身不降其志
道惟守一過能不貳明是辨非存真去偽

高明不仕豈其本意于嗟麟鳳不爲世瑞
蕭然琢堵詩書自怡耕田而食紡績而衣
素琴挂壁白酒盈卮動容言行一國之師
有微斯人吾誰與歸

菊軒先生

暇日意行姑射山下奉借

遯菴先生堂聽雨韻簡詩社

諸君

策步幽巖所遇良可喜
恋恋蝶遊衣消

消泉入耳俯仰天地間一物莫非已
暄妍坐閱春事芳飄飄思與春雲長
呼兒置酒飲花下風來滿袖
勢花香白白紅紅紛澗谷恍然身世如
河陽東風吹落山頭雨山鳥催歸
共人語拂苔便欲枕流臥却恐傍
人笑孫楚眼有六合塵土滿歸袂
翩翩去何所乘風更擬凌青空
人間無處尋方蓬

二
妙集卷之六

國立中央圖書館 國家圖書館 NATIONAL CENTRAL LIBRARY, TAIWAN, R.O.C.

二妙集卷之七

樂府

遜菴先生

水調歌頭

癸卯八月十七日
逆旅平陽
夜聞笛聲有感而作

亂雲低薄暮微雨洗清秋
涼蟾乍飛破鏡
倒影入南樓
水面金波瀲灩
簾外玉繩低
轉河漢截天流
桂子墜無跡
爽氣襲征裘



廣寒宮在何處可神遊一聲羗管誰弄吹
徹古梁州月自於人無意人被月明催老
今古共悠悠壯志久寥落不寐數更籌

迎送神二詞爲劉潤之賦

清秋好天氣木杳已登場群心思吞神祝
吉日復辰良神既來芳庭宇颯颯西風吹
兩仙仗屨長廊巫覡傳神語出戶舞悵悵
割肥辨澁桂酒奠椒漿一年好處須記此
樂最難忘風外淵淵簫鼓醉飽滿城黎庶

健倒卧康莊。夜久群動息。風散一簾香。
雙龍隱扶輦。千騎縱翱翔。雲旌翠蕤摩蕩。
遙指白雲鄉。風馭飄飄。高舉雲駕。攀留無
處。煙霧杳茫茫。小立西風外。似聽珮鏘鏘。
暮天長。秋水闊。遠山蒼。歸途正踏明月。醉
語說豐穰。但願明年田野。更比今年多稼。
神貺詎能忘。君可多醜酒。吾復有新章。

滿江紅

過汴梁故宮城

塞馬南來五陵草樹無顏色雲氣黯鼓擊
聲震天穿地裂百二河山俱失險將軍束
手無籌策漸煙塵飛度九重城募金闕長
戈裊飛鳥絕原厭肉川流血嘆人生此際
動成長別回首玉津春色早雕欄猶挂當
時月更西來流水遶城根空嗚咽
塵滿貂裘依舊是新豐羈客逐感慨中年
多病惟堪眠食方寸玉階無地借詩書勲
業休重憶况而今雙鬢已成絲非疇昔與

廢事吾能說今古恨空填臆向南風望斷
五絃消息眯眼黃塵無處避洗天風雨來
何日待酒酣慷已平苦平生無人識

壽陳文良臣

有媯之後國于陳慶派苗裔選世有異人
間出簪纓不墜別孤中分汾水右真靈吸
盡姑山氣看鳳麟來應太平期為佳瑞都
未展經邦志醫與卜渾餘事把活人手段
此中聊試德義不孤朋友樂田園粗了兒

孫計有鬚糸禪榻老生涯棲心地

夢菴張君信夫生朝

臘盡春來遷又是新年入手人共喜丹山
倦桂一枝初秀轉百黃金都散盡酒酣彈
鋏蛟龍吼想平生豪氣尚依然銜星斗紅
未透花枝瘦人不光花依舊先生涯正要
東山歌酒翠壁崢空山玉立長河瀉浪風
雷走挽山河勝槩入金尊爲君壽

登河中鶴雀樓

古堞憑空煙霏外危樓高矗人道是宇文
遺址至今相續夢斷繁華無覓處朱甍碧
甃空陳跡問長河都不管興亡東流急儂
本是乘槎客因一念僊凡隔向人間頽仰
已成今昔條華橫陳供望眼水天上下滂
空碧對西風舞袖障飛鴻滄溟窄

壽衛生行之

春色三分酒地
元宵才過行樂處軟紅
香霧未收燈火揚柳稍頭黃尚淺梅花萼

底紅初破待東風吹綠蒲瀛洲愁無奈無
一物爲君賀歌我志君須和問人生底事
必須奇貨好對青山傾白墜休嗟事業違
人些怕他時富貴逼人來妨高卧

清明與諸生登西磴栢崗

欲把長繩維白日暫留春住親友面一回
相見一回非舊擾擾膠膠塵世事不如人
意十常九向斜陽無語倚危樓空搔首浩
國手談天口都付與尊中酒這情懷又是

去年時候風外紛紛飛絮亂柳邊湛湛長
江去閣光來還有幾多愁愁如許

避菴主人植菊階下秋雨既盛
草萊蕪沒殆不可見江空歲晚
霜餘草腐而吾菊始發數花生
意凄然以詩余以不遇感而賦
之因李生湛然歸寄

菊軒弟

雨後荒園群卉盡律殘無射踈籬下此花

能得真真鮮質盈把足娛陶令意夕餐誰
似三閭深到而今狼籍委蒼苔無人惜堂
上客頭空白都無語懷疇昔恨因循過了
重陽佳節颯颯涼風吹汝急女身孤特應
難立謾臨風三嗅遠芳叢歌還泣

重九日山居感興

五柳成陰三徑晚宦遊無味還自嘆迎門
笑語久須童稚歸去來兮尊有酒素琴解
寫無絃趣醉時眠推手遣君歸吾休矣富

與貴非吾事，貧與賤寧吾累。步東籬，遐想昔人高致。霜菊盈叢，逸可採。南山依舊橫空翠。但悠然一點會心時，君須記。

大江東去

和荅衛生叢之

道人活計本清虛。挂壁素琴而已。底事中心嘗悄悄，不足一人之毀人。果何尤。天無可怨政，欲求諾已愧。生乎內，赧然其類流。此聖道不遠於人步，超進退誰復能遠此。

好把藩籬都剖卻看取成蹊桃李篤敬忠
誠尚行蠻貊豈不行州里三薰三沐爲君
桂擬沉水

送楊國瑞西行羔簡仲宣生

悲哉秋氣覺天高氣爽澹然沉寡行李忽
忽人欲去一夜征鞍催發落葉長安鴈飛
汾水怕見河梁別中年多感離歌休唱新
闌暮雨也解留人簷聲未斷窓外逸騷屑
滿眼清愁吹不散莫倚心腸如鉄面目蒼

浪齒牙推落鬢髮三分白故人相問請君
煩爲渠說

次韻荅彥衡

無堪老懶喜春來蔬荀勸加餐食底事東
君畜不住忙似人問行客憂喜相尋利名
羈絆心自無休息不如聞早付他妻子耕
織門外柳弄金絲落花飛不起東風無力
濁酒一杯誰送我歡意都非疇昔致主無
心蒼顏自歎敢更希前席功名變觸何須

千里追北

水龍吟

壽舍弟菊軒

天高秋氣初清
姑汾山水增明
秀黃花紅
葉輸香泛
灑恰過重九
細捻金蕤旋題新
句滿斟芳酒
况人生自有安排
去處須富
貴何時有
休說山中宰相也
不效斜川五
柳鉏犁
自把山田耕罷
雙牛隨後
經史傳
家兒孫滿
眼漸能承受
待興居坐閱莊椿

歲月作頽然叟

漢宮春

純甫生朝且有弄璋之喜賦
此以賀

公子歸來笑平生湖海豪氣依然黃金散
盡落魄誰識當年世間底物解挽回鏡裏
朱顏人共道愁須殢酒幾回推向尊前閱
說夢熊初兆喜一枝慰眼歲晚番連蟠桃
會須結子運偶三千詩書蘊業要他時分

村青甕庭階照映卧看玉樹芝蘭

蒲庭芳

山居偶成每與文翰二三子
論文把酒歌以侑觴亦足以
自樂也

歸去來兮吾家何在結茆水際林邊自無
人到門設不須關蠻觸政爭蝸角榮枯寧
不到尊前應堪嘆清溪流去幾時還
此身何處著從教容與木鴛之間岸鷺耕

隴畝在戎無難便把鉏頭爲枕眠芳草醉
夢長安煙波客新來有約要買釣魚竿
歸去來兮漁歌樵唱覓愁愁在那邊承流
委順萬事沒機關眼底江山如畫松環抱
脩竹當前君便有矣封相印到此也須還
人生消底物百年都付流塵三間但卷舒
以道到了何難日月消磨變蹟中原信未
報平安蒙頭睡日高慵起簾影上三竿

雪夜用前韻

萬籟收聲六花呈瑞小橋路斷江邊笑潮
州刺史死馬蓋關謾有清名千載一桮酒
孤負生前爭如我圍爐小酌和氣笑中逸
梅梢新月上芒鞋竹杖爛賞林間便銷金
低唱欲換應難勲業何須看鏡蓬仙底空
卧表安君須記游魚失水那可上長竿

望月婆羅門引

癸卯元宵與諸君各賦詞以
為樂寂寞山村無可道者因

述其昔年京華所見以望月
婆羅門引歌之酒酣擊節將
有墮開元之淚者

暮雲收盡柳梢華月轉銀盤東風輕扇春
寒玉輦通霄遊幸綠仗駕雙鸞聞鳴絃脆
管鼎沸鰲山漏聲未殘人半醉尚追憶是
處燈圍繡轂花箋雕鞍繁華夢斷醉幾度
春風雙鬢斑回首處不見長安
鳳城春好玉簫金管恣遊盤梅粧猶怯輕

寒一曲清平妙舞掌上春回鷺漸覓棠欲
邊翠斂春山良霄易殘歌別鶴惜餘懽眼
底浮華自滿塵澆吟鞍瘴牛私酒若真是
京東夫子班身幸健敢復求安

蝶戀花

壽衛生叢之

二月山城春尚未柳弄東風恰吐黃金藥
占斷溪頭佳麗地多君先得閑中趣我爲
虛名相絆繫君自深藏不識愁滋味世事

無勞深着意年豐酒賤須勤置

聞鶯有感

鶉鴝一聲春已曉胡蝶雙飛暖日明花草
花底笙歌猶未了流鶯又復催春老早是
殘紅枝上少飛絮無情更把人相惱老槍
獨含冰雪操春來悄没人知道

壽山人湛然李生

巖菊開時霜信杳風雨無情又是重陽了
菊舍疎籬人不到床頭醉筦生微笑莫恁

住山真小草，顰損娥眉。愁獨無人掃。花底
一盃須健倒。醉中聽喚卿卿小。

江城子

甲辰每日立春

鷄棲行李短，轅車馬如蛙。畏途賒四十九
年強半在天涯。使東風吹不去，頭上雪
眼中花。耳泉宜稔復宜麻。近山窠更宜瓜。
明日新年聞健早，還家報答春光猶有酒。
傾日蟻岸烏紗。

元日有感

數椽茆舍大如蝸
先生涯寄山豕
遮眼文書隨分有
夢夢自愧行年如
伯玉思往事盡堪
差從他鼓吹沸鳴
蛙鬢霜華曉來加
南北東西泛若水
中槩此去存身知
有道深自隱効龍
蛇

牡丹

百花飛盡彩雲空
牡丹叢始潛紅
培養經年造化奪
天功
肘脉向人嬌不語
晨露重

洗芳容卻疑身在列仙宮翠帷重瑞光融
爍爍紅燈間錯綠蟠龍醉裏天香吹款肅
應有悟夜來風

塵事執掌每與願違緬懷山林
蕭散之趣

九得塵土浣儒冠鏡中看失朱顏顛倒囊
資吾欲買青山剩種閑花多釀酒塵土外
覓清懽功名餘事且加餐老來閑豈天慳
鉄笛橫吹牛背穩如船細馬更須馱二草

平地上作癡仙

漁家傲

送春六曲

龍尾溝邊飛柳絮
虎頭山下花無數
花底醉眠留杖履
花上露隨風散漫
飄香霧
老
去逢春能幾度
不妨且作風光主
明日不知風共雨
回首處
夕陽又下西山去

不是花開常帶酒
只愁花盡春將暮
把酒酬春無好句
春且住
尊前聽我歌金縷
醉

眼着花如隔霧明朝酒醒那堪覩
早是悶愁無着處雲不去黃昏更下
廉纖雨

春來誰作主恁他昨夜江頭雨
把酒

問春春不語頭二三上飛過鞦韆去芳

草澹煙江上路鷓鴣聲裏斜陽暮
風外榆

錢無意緒空自舞如何買得青春住

一片花飛春已暮那堪萬點飄紅雨
白髮

送春情最苦愁幾許滿川煙草和風絮
當

記鮮鞍沽酒處而今綠暗侯亭路
迳底春

歸留不住鶯作馭朝來引過西園去
詩句春渾漫與紛紛紅紫俱塵土樓外
望揚千萬縷風蕩絮攔干倚遍空無語畢
竟春歸何處所樹頭樹底無尋處惟有閑
愁將不去依舊住伴人直到黃昏暮

斷送春光惟是酒玉杯重捧纖纖手檀板
輕敲歌款就眉黛皺翠鬟暗點金釵溜自
笑而今成老醜鶯花依舊情未舊楊柳自
從春去後誰擡舉腰肢新也如人瘦

正月十四日夜有感而作

灯火蕭條春日暮
荒山月上聞村鼓
羈客閑愁知幾許
千萬緒
人間沒箇安排處
醉袖翩翩隨所寓
冷然便以風爲馭
指點虛無雲外路
留不住
東將入海隨煙霧

月上海棠

壬寅冬躬謁玉清壇下客有
歌月上海棠者乃玉清作也
詞致高遠真游乎方之外者

也明年吾交陳子颺過余山中
始為屬和因亦次韻以簡知音
住山活計宜聞早身世滄溟一漚小日月
兩跳丸送送人間昏曉朱顏換風雪俄驚
歲杪弊衣旋補荷盈沼筭騎鶴揚州古今
少休苦似吳蚕剛把此身纏繞君知否我
自無心可了

和荅揚生彥樹

小樓舞徹双燕手便倩鴈將書寄元九舉

首望南山獨娥眉數峯明
為人未老且仕
高歌對酒莫將此樂輕
孤負
爽明月清風
做三爻織手折黃花
步東籬為伊三喚
英雄淡醉搵應須翠袖

時平無用經綸手
且閑把文章和歐
九天
氣湛清秋便無限
山明水秀留客飲
但願

尊中有酒鳥夷到
處須親負
尋山鳥山花

好朋友
塵世自薰蕕
猶把瑤英與君同
喚西

風外歸去長拖布袖

同詩社諸君飲芥溪上

閑人不愛春拘管被東風暗入羅幃暖草
色近還無傍溪陡覺金沙軟梅花蕾風味
朝來不淺十分嫩灑金蕉滿兩頰潮紅百
憂散不醉且無歸任門外玉繩低轉懽娛
地莫道書生冷眼

鷓鴣天

九日寄彥衡濟之兼簡仲堅景

純二弟

醉後坐歌上小樓西風簾幙卷清秋綠醅
黃菊羞簪白髮稠今古恨去
無情水自西流澹煙衰草斜陽外
一段愁

金尊客滿樓美人清唱眼波秋花隨
香逐芳鬢坐上橫山歷歷水
悠悠百年光景去如流直須爛醉酬佳節
莫教人間半點愁

彥衡諸君皆有和章因復仍韻

以馬老懷

不是秋來懶上樓
龍鍾詩骨不禁秋
舊歡去我如天遠
新恨撩人似髮
空咄咄漫悠悠
老來終是少風流
千金買笑佳公子
醉卧瓊樓不識愁

青陽峽對酒

千尺長虹下飲溪
兩山環合翠屏圍
非魚定不知魚樂
得鹿還生失鹿悲
花萼藹藹霏霏
東風不染鬢邊絲
百川尚有西流日

一老曾無卻少時

此溪西
流故云

古水寒藤蔭小溪溪邊更着好山園波間
容與雙鷗淨空外飄飄一鷓飛湍浪寫萬
珠霏風前天棘舞青絲蘭亭豪逸今陳跡

不醉東風待幾時

颭颭輕舟送上溪何時柳樹已成圍貪着
歸鳥投林急不覺殘花入座飛蘭橈舉麪
塵霏新荷挽斷有餘絲酒酣卻對青山笑
面目蒼然不入時

上巳日再遊青陽峽用家弟誠
之韻

毛釜逢時亦轉雷
春江得雨浪崔嵬
不才分作溝中斷
偶對溪山一笑開
題姓字拂青苔
此翁來後更誰來
不須更待移文遣
俗駕聞風已自回

樓外殘雲走怒雷
西山晴色晚崔嵬
柳絮連日十絲暗
花噴溫馨一夕開
須席地更茵苔
素琴橫膝賦歸來
一觴一詠風流在

牛背如船側載回

笑談干將未遇雷
一生肝膽護崔嵬
不將身嚮愁中老
剝把懷於笑裏開
賢聖骨長寒苔君
如不飲復何來
便從今日爲頭數
北到春歸醉幾回

莫春之初會飲衛生叢之家酒
酣諸君請作樂府因爲之賦使
覽者知吾輩之所樂也

幼歲文章已自豪
蟠然猶記兩番髦
從教

酒債生前有莫待詩瓢死後漂三萬日六
千朝百年強半是羈繫須君自製黃金鱸
醉我新菊玉色醪

釀酒椎牛詭里豪臨流觴詠賦詩髦紛紛
世態浮雲變草草生涯斷梗漂愁不寐夜
難朝廣陵散曲屈平騷從今有耳都休聽
且復高歌飲楚醪

當日元龍氣最豪而今塵土墊冠髦紛紛
落絮隨風舞泛泛輕鷗逐水漂拚一醉便

十朝文章休說僕奴騷
春來春去容顏改
翰我花前把碧醪

七字驪珠句法豪
老夫倒甲墮纓髦
與新不見明何謂
雷雨無聲麥已漂
窮硯墨幾昏朝
星星鬢髮半刀騷
從人笑我冬烘甚
猶可尊前舉罰醵

把酒簪花強自豪
花枝羞上阿翁髦
不教春色因循過
忍爲虛名五浪漂
醒復醉莫逃朝
紛紛四海正兵騷
從渠眼底桑田變

且樂末頭撥篋醪

和谷尋正道

觀步金沙村路遙
歸來羞費楚詞招
蜂粘落絮行池面
蝶避游絲過柳橋
方外交仗誰邀
定於驢上作推敲
窮愁正要詩料理
莫問春來酒價高

臨江僊

壽周景純

仲尉門牆蓬蘞滿
幽居不用聲華醜
妻惡

妾勝無家學湏勤苦就富貴豈天耶鼻堊
未除片未運相望咫尺天涯芹藻猶有折
殘麻此心終莫展遲汝對巖花

三月十日與諸君約會西園久

而不至花又狼籍巨題此以排

人道花開春爛熳花殘春便無情小園獨
自遶花行是非何日定洗耳聽江聲芍藥
牡丹俱不見風枝猶有殘英階前梨葉已
陰歲所期猶未至何日倒吾瓶

幽懷用前韻

白首老儒身連蹇不隨時世紛華儘他人
笑魯東家皇天如歆治舍我復誰耶此道
未行應有待何須思慮無涯男供耕獲女
桑麻薄軀何所事問鄰與尋花

浣溪沙

壽備生行之

莫說長安行路難休歌翫麟倚門邊且將
見在闕尊前人意十分如月滿月明一夕

向人圓年年人月似今年

元夜後一日史生仲恭又客初
還酒間喜爲賦此

馬上風吹醉帽偏一川晴雪鳥吟鞭冷雲
堆裏指家山慈母已占烏鵲喜佳人望日
拜嬋娟今宵人月十分圓

壽菊軒弟

白髮相看老弟兄閑身無辱亦無榮兒孫
已可代躬耕了卻文章十載事不須談笑

話功名青山高卧待昇平

訴衷情

初夏偶成

東風簾幕雨絲絲
梅子半黃時
玉簪微醒
醉夢開卻兩三枝
初睡起
曉鶯啼倦
彈碁
芭蕉新綻
徙倚湖山
綠筆題詩

生查子

正月上旬
夜夢寐間
聞雪作語
旦起視
但雲煙出沒
曉山濃淡

如畫西望長河僅一髮耳作長
短句以寫一時勝暨

淡月晃書窓夜靜雲撩亂欹枕瀟瀟聽雪
聲落葉閑階滿清曉獨開門淡蕩東風軟
詩句成時墮渺茫眼底江天遠

南鄉子

壽縣大夫薛君寶臣

五福幾人全我見君侯得處偏素著藹然
鄉曲譽喧傳盡道新官似舊官五袴復歌

魚竹馬兒童更可憐萬室春風和氣裏鳴
弦好是今年勝去年

最高樓

壽衛生行之并序

衛生行之少流寓兵革中既長
始知讀書其立志剛待道篤而
家苦貧年饑諸幼滿前雖併日
而食不郵也暇日與賓友飲酒
賦詩爲樂余既嘉其有守喜爲

稱道於其始生之日作樂所以
歌詠之俾觀者知吾行之之爲矣
貧而樂天命復奚疑兒女聚嬉嬉東村邀
飲香醪嫩西家羞饌蕨芽肥把年筆都付
錦囊詩白髮青衫是人所惡金印碧幢是
人所慕顧吾道是邪非山妻解煮胡麻飯
山童自製薜蘿衣問人生須富貴是何時

點絳脣

暮夜晨起書所見

愛酒淵明無錢休對黃花語一盃誰舉
窈空歸去屋上青山山上行雲度悠然處
是中真趣欲鳥逐無句

西江月

久雨新霽秋氣益清與二三
子登高賦之

人與寒林共瘦山和老眼俱青
淨然一葉不須驚葉本無心入
聽氣爽雲天改色潦收煙水無
聲夕陽洲外片禽鳴溼泳一江

秋影

二
妙集卷之七

國家圖書館 NATIONAL CENTRAL LIBRARY, TAIWAN, R.O.C

二妙集卷之八

樂府

菊軒先生

滿江紅

張文信夫林亭小酌感事懷人
敬用

遜菴先生韻

光景催人還又是西風吹袂青鏡裏滿簪
華髮不堪憔悴一月幾逢開口笑十年滴



盡傷時疾情一尊相對說清愁花前醉初
未識名為累今始覺身如寄把關情換了
平生豪氣致主安民非我事求田問舍真
良計看野雲出岫卻飛回元無意

新春敬用 遜菴韻

料峭東風吹醉面
向人如舊疑竚立野禽
聲裏無言搔首庭下
梅花開盡也春痕已
到江邊柳待人間事
了覓清歡身先朽
裘計何時有林下
約束頭酒怕流年不覺

鬢邊還透往事不堪重記省舊愁未斷新
愁又把春光分付少年場從今後

偶觀春事闌珊謹用

凡韻以寫所懷

點檢花枝風雨外雪堆瓊壘春去也朱絲
絃斷鸞膠難續眼底光陰容可惜舊遊回
首尋無跡對青山一餉倚枯藤灘聲急人
已老身猶客家在邇嶂猶隔語音縱如舊
形容非昔芳草綿綿隨意綠平波渺渺傷

心碧到愁來惟覺酒盃寬人間窄

遜菴兄以閱菊樂府見示三

復之餘倚歌和之

誰把秋香偏著意植根姑射塵土外鮮鮮
元有可人容質日夕漸隨蕪共沒歲寒還
與松同潔傲新霜還有兩三枝天應惜巾
自漉醅微白人已老歡猶昔愛此花不負
淵明清節醉裏不知人世換悠然獨倚西
風立問一甲時復慰窮途何如泣

八江東去

寄衛生襲之

干戈蠻觸問渠爭真有幾何而已畢竟顛
狂成底事謾把良心戕毀坐穴藁床磨穿
鉄硯自有人知己摩挲面目不應長為人
泚過眼一線浮華辱隨榮後身外那須此
便恁歸來嗟已晚荒盡故園桃李秋菊堪
餐春蘭可採免更煩鄰里孫郎如在與君
共梳流水

送楊瑞西歸

西風汾浦鴈初飛
秋水渺茫無際有
底忙時來復去沉
若虛舟不繫籬翁
將開村醪初熟且
佳為佳耳笑言相
答箇中吏隱無愧
歲月不貸閑人君
顏非少我髮白如
此好把金盃休去
手萬事惟消沉醉
日轉山腰馬嘶柳
外歌闕行人起憑
高西望相思目斷
煙水

贈荅楊生彥衡

暮年懷抱對水光林影欣然忘食唾手功名非我事閑處聊為閑客世故多虞人生如寄一榻容安息鬢絲千丈誰家機杼堪織三徑松菊猶存誅茅雜穢時借鄰翁力酒滿芳尊山滿眼此意無今無昔平地風波東華塵土不到幽人席興來獨往溪南還又溪北

木蘭花慢

元霄感舊

金吾不禁夜放簫鼓恣遊遨被萬里長風
一天星斗吹墮層霄御樓外香暖處有人
間平地起仙鰲華燭紅搖醉勒瑞煙翠惹
吟袍老來懷抱轉無聊虛負可憐霄遇美
景良辰詩情漸減酒興全消思往事今不
見對清尊瘦損沈郎腰惟有當時好月照
久依舊梅梢

滿庭芳

齋居有感敬繼 題卷元韻

鏖戰文場橫揮筆陳萬言一筴平邊青雲
隱步逸氣蓋賢關致主堯虞堂上真儒事
直欲追前回頭錯關中風味一笑覺都還
百年都幾日何須抵死著意其間尋一位
一壑此因無難道跡月蘿深處風吹夢不
到長安渾無事牀頭睡起簷日已三竿

望月婆羅門引

清明後醉書於史氏之別墅
東風嫋嫋飛花一片點征衣等閑耗損香

霏春去春來無跡靜裏幾人知問沈郎何
事帶疾腰圍功名願遠算此計未應非剩
把閑愁殢酒幽興裁詩溪山好在悵眼中
渺渺故人稀回首處清淚如絲

繁華夢斷吹花風起卻添衣滿庭紅雨霏
霏獨倚繩床微嘆此意竟誰知悵西園轉
眼翠幕成圍事無我遠覺四十九年非便
好忙開蔣徑細和陶詩風流已置撫遺編
三嘆賞音稀人不覺絃斷朱絲

翼日封生仲堅見和因復前韻
以荅

小窓睡起曉寒特地怯春衣
篝爐坐擁殘
霏袞袞愁來何處獨有兩眉
知情一尊聊
爾為解重圍賞心莫遠桃李
事轉頭非幾
曲昇平舊譜數首新詩花開
正好筭一番
風雨未應稀舒醉袖惹住遊
絲

晨起與仲堅偶坐少焉雨作其
聲洒洒然絕似文場下筆時因

借前韻戲成一篇

蹉跎歲晚床頭鐵硯已生衣
破窓雨送輕霏暗裏隨風入
夜花上早先知聽一時下
筆鏖戰文圍天心不遠更問甚
是和非便着春衫換酒醉
墨題詩逢場作戲覺賞心
樂事未全稀還自嘆虫吐餘絲

豎鉞和文

逼人可謂不負忍窮矣而其
言若有所感因取舊韻述已

意以答之雖知荒於辭章猶
賢於無所用心也

長安倦客不堪重整舊朝衣
天香尚帶餘霏蓋世虛名何用
政爾畏人知愛青山屋
上面面屏圍十朋弗違好事外
卜皆知辨取殘年香火暇日
歌詩東塗西抹笑顛狂
如我向來稀休看鏡鬢髮成絲

江城子

李春五日有感而作歌以自

適也

百年光景霎時間鏡中看鬢成斑
歷遍人間萬事不如閑
斷送餘生消底物
蘭可佩菊堪餐
功名場上稅征鞍
退時難處時安
生怕紅塵一點污
儒冠便恁歸來嗟
已晚那更待買青山

階前流水玉鳴渠
愛吾廬
愜幽居
屋上清
山山鳥喜相呼
少日功名空自許
今老矣
欲何如
閑來活計未全疎
月邊漁雨邊鋤

花底風來吹亂讀殘書
誰喚九原摩詰起

添畫我輞川圖

一作憑畫
作倦遊圖

幽懷追和

遯菴先生韻

昔年兄弟共殫冠
轉頭看各蒼顏
千古功名都待似
東山慊漑一抔風
露下追往事
叙幽懽
晨霞翠栢尚堪餐
養養餘閑未全慳
十丈冰花况有藕
如舡醉裏忽乘鸞
鶴去塵土外
兩癯僊

東園牡丹盛開二三子邀余

飲花下百斟那帝試之

水南名品幾時栽映池臺待誰開應為詩
人著意巧安排調護正須宮樣錦遮烈日
障飛埃曉風吹綻瑞雲堆怨春回要詩催
醉墨淋漓隨手洒瓊塊歸去不妨簪一朵
人也道看花來

行香子

書舍偶成

自嘆勞生枉了經營到而今一事無成不

如聞早覓箇歸程向渭川
漁東市卜富春
耕眼底浮榮身外虛名儘
輸他時輩崢嶸
得偷閑處且適閑情有坐
忘篇傳燈錄洗
心經

月上海棠

謹次遯菴兄繼玉清韻

酒杯何似浮名好一入枯腸
泰山小喚省
夢中身鷓鴣數聲春曉
昂頭處幾點青山
屋杪人生得計魚遊沼
視過眼光陰向來

少須卜一枝安笑月底驚鳥三繞無窮事
畢竟何時是了

重九之會彥衡賦詞恂觴

尊兄遯菴公與坐客往復賡歌
至於弄四語意益妙殆不容後
來者措手彥衡堅請余繼其後
勉為賦之

黃花未入淵明手日攬空腸幾回九山色
繞吾廬猶是當年時秀忘言處此意何曾

杯酒等閒莫把良辰負恨不見平生舊親
友三徑久荒涼籬下落英誰嗅傷時淚不
覺沾襟漬袖

老來還我扶犁手想豪氣十分已無九都
把濟時心分付與一時英秀還自笑潦到
猶帶酒從前枉被虛名負何似尊前聖
賢友織手斫金盞一嚼不妨時嗅頽然醉
卧印蒼苔半袖

冬至後一日獨居無悰復用前

韻

光陰轉與開人半偈腊窮冬又初九風雪
擁柴閉竹外一枝梅秀醅瓮熟似笑淵耳
止酒溪山舊約吾無負便結無情歲寒交
世味儘醇醲掩鼻向伊慵嗅蓬茅底有乎
何妨且袖

詩社諸君復相屬和又不免步
韻獻笑

秋風鶴髮雙龜手不如意事十常九蓬篚

映閨階嗟叢菊汝矣為秀衡門掩問字無人
載酒永惟道徳初心負向上將求古人
友三嘆抱遺編諱餘馥殘膏誰嗅趨時樣
競銜羔裘豹袖

鷓鴣天

重九日敬用 遜菴兄韻

那得工夫上酒樓誰能皮裏更陽秋但教
閑事心頭少免致清霜鏡裏稠休咄咄儘
悠悠佳時來往下風流百年光景無多子

請向尊前聽解愁

手段慚非五鳳樓
題詩把菊負清秋
黃綈旋拚金卮嫩
白酒新篘玉液稠
身外事付悠悠
牛山何必涕空流
不如且進杯中物
一酌能消萬古愁

豪氣消磨百尺樓
憂來一日抵三秋
故人落落晨星少
新塚累累塞草稠
思往事去悠悠
夕陽回首忽西流
葉聲偏入愁人耳
聲本無心人自愁

上巳日陪

遜菴先生遊青陽峽

號號春江走怒雷
翠巖千丈立崔嵬
山英共遊人約盡
放浮雲一夕開
傾綠酒坐
蒼苔大書歲月記
曾來直將醕酖酬
佳節
挽住春光不放回

不郵枯腸殷夜雷
一枉宵次失崔嵬
暫將平昔看書眼
移向溪山好處開
從健倒卧莓苔
明朝有酒更重来
百年光景無多子

爛醉溪頭得幾回

冷卧空齋鼻吼雷
野禽呼我上崔嵬
幽懷畢竟憑誰寫
笑口何妨對酒開
巖鎖舊徑封苔
愛閑能有幾人來
虛名盖世將安用
引斷長繩喚不回

三月寒潭未起雷
臨流照影笑崔嵬
詩成好句頤難解
尊有芳醪手自開
山下石水邊苔
春風來似不曾來
酒闌偶趁飛花去
路斷前溪笑卻回

青陽峽水

卷之九

行徹南溪到北溪
山回轉馬合長眉
北
有舊迎人笑雲自無心出
水擘揮醉墨帶
煙霏婆娑醉舞拂青絲
昔時
恒恐風流異昔時

瀑布巖前水滿溪
青陽廟下四山圍
歌殘
白雲猶佇舞落烏紗烏
忽飛迷晚色鎖
晴霏野花如綺柳如絲
一尊不惜頽然醉

明日畫來已後時

立春後數日盛寒不出因賦

鄙語敬呈 遜菴尊兄一笑

擺脫浮名儘自閑
人問萬事一蒲團
歸田老去方知樂
行路今來始覺難
山雪盛草堂寬
客來輾轉若為安
甫能望得春消息
一夜東風特地寒

誰伴閑人閑處閑
梅花枝上月團團
陶潛自愛吾廬好
李白林歌蜀道難
休壑靜水

雲寬十年無夢到長安五更門外霜風惡
千尺青松傲歲寒

那得茆齋一餉閑地爐敲火試龍團頭從
白後彈冠懶脚自頑來應俗難塵世窄酒
杯寬百年轉首一槐安是非箴穀何時了
隱几西窓月色寒

堂上幽人睡正開門前聲利聚為團花香
惱夢尋無處詩句撩人寫復難空自嘆倩
誰寬鷺鳥三繞幾時安青山隔岸迎人笑

舊有盟言且莫寒

上巳日會飲衛生襲之家園

千古蘭亭氣象豪當時座上盡英髦
林巖脩竹依山靜花逐流觴信水漂
悲往事樂今朝雖無絲竹有風騷
回頭一笑還塵跡莫厭尊前醉濁醪

殢酒償春笑二豪題詩品物愧詩髦
心如幽鳥忘機靜身似虛舟到處漂
須富貴是何朝一杯聊慰楚人騷
逢花堪賞應須賞

座有佳賓尊有醪

和荅尋正道

鵬翼翩翩去路遙
歸來羞費楚詞招
讀書未免終投閣
沽酒何妨暫過橋
風與月不須邀
時來閑處伴推猷
兒童也笑翁慵甚
睡起床頭日已高

臨江僊

奉繼

遜菴先生韻

十載龍門山下路
夢裏不到京華此身著

屢便為家窮通吾有命不樂復何耶萬事
尊前供一笑浩然逸興無涯詩人休更詠
丘麻東風吹酒醒冷眼看飛花

四十六年彈指過蒼顏換却春華在家居
士已忘家誰人知此意袖手向毗耶世故
驅人何日了漂流不見津涯軟腸一鉢有
胡麻紛紛身外事渺渺眼中花

田間閑步偶成

管領韶華成老醜有情半似無情芒鞋竹

杖藜衣輕悠悠身外事
寂寂水邊行眼忘
光陰猶是夢何須身後
虛名仰天一笑絕
冠纓東風歸路穩
十里暮山青

李山人壽

濁酒一卮歌一曲
大家留住秋光
片雲輕
護曉未霜
殷勤籬下菊
滿意為君香
四海
干戈猶未定
此身底處
安藏
醉中聞說有
真鄉
便從今日
數三萬六千場

暮秋感興

濁酒一杯歌一曲世間萬事悠悠閑來乘
興一登樓西風吹葉脫盡見四山秋自古
興亡天不管屈原枉葬江流寸心禁得許
多愁莞然成獨笑白鷺起滄洲

轉眼榮枯驚一夢百年光景悠悠浮生擾
擾笑何樓試看雙鬢上衰頰不禁秋古往
今來多少事一時分付東流五更枕上調
清愁笛聲何處起明月暮花洲

走偏人間無一事十年歸夢悠悠行藏休

更倚危樓亂山明月曉滄海冷雲秋詩酒
功名殊不惡箇中未減風流西風吹散兩
眉愁一聲長笑罷煙雨暗汀洲

自笑荒才非世用功名都付悠悠斷腸怕
上夕陽樓蕭蕭風葉下漠漠暮天秋
未知忙底事東生又復西流古人不見使
人愁秋蘭無處採流水滿芳洲

鷺上溪

衛生叢之壽

杏花半吐花底香風度揚柳嫵金絲拂晴
波垂垂萬縷東君着意付與有情人山下
路水邊村總是堪行處春光幾許不用忙
歸去呼取翅生來把閑愁一時分付大劫
是醉三萬六千場遇有酒且高歌留取春
春住 蝶戀花

衛生叢之生朝 吾兄作歌詞
以壽之余獨無言生執底酒堅
請不已勉用 兄韻以答其意

點檢東園花發未蝶繞芳叢馥馥香浮縹
買酒酬春君有地不妨日涉聊成趣身世
虛舟元不繫浮利浮名是甚閑情味花下
一杯方得意人間萬事宜姑置

明日衛生見和復次韻

燕子歸來寒食未脉脉桃花微露胭脂
回想舊遊歌舞地狂詩顛酒當時趣白日
長繩誰可繫老去情懷事事都無味倦鳥
知還非有意忙時宜用閑時置

浪淘沙

惜花

好箇杏花時，只怕寒欺。東君無意惜芳蕤。
雨橫風狂都不管，儘得禁持。瘦損一分肌。
着甚醫治。一天春恨沒尋思。怎得丁寧雙
燕子說與春知。

朝中惜

偶出見牆頭杏花喜而賦之

無言脉脉怨春遲，一種可憐枝。最是難忘。

情處牆頭微露些兒十分細看風流却在
一半開時政要東風擡舉莫教吹破胭脂

南鄉子

衛弟行之壽

蘭玉衛諸郎我見白眉子氣良說似向人
人不會何妨靜裏誰知竹有香歲月沒商
量暗地催人兩鬢霜三萬六千須實數休
忙才是東風第一場

薛寶臣生朝

俱用薛氏實事

郡姓記君先烏鵲翔飛瑞自間聞在足時
人已憚他年又作河東一鳳傳佳政訟分
鱘者賦春遊第幾篇躡喬誰為門下客休
歎換却先生首著盤

木蘭花

前重陽幾日籬下始見菊放數
花嗅香按藥慨然有感而作以

貽山中二三子

人生行樂須聞早休惜一尊花下倒無情

歲月不相饒轉首吳霜紛莫掃佳時苦恨
歡悰少鏡裏衰顏難再好試將離恨說渠
儂天若有情天亦老

不才自合收身早一坐青山成潦倒蒙頭
贏得日高眠落葉滿庭慵不掃殺人四海
知多少留住頭皮貧亦好年年種菊待花
開不道看花人漸老

尊鱸江上秋風早四海狂瀾驚既倒明知
不是入時人閉戶十年成却掃故人落

晨星少紅葉黃花依舊好登臨信羨自然
情坐覺光風容易老

醉中昨夜歸來早應怕蒼苔嗔健倒一尊
閒健莫蹉跎過眼光陰如電掃破除萬事
心頭少酒自於人情未好醒時還醉醉還
醒賴得此鄉容不老

清平樂

薛子余弄璋

東君調護錯怨春遲暮一葉蘭芽今始露

滿君家庭戶抱者玉骨亭亭精神秋水
分明自是人間英物不須更試啼聲

送張君義經歷之任安西幕

鷄聲戒曉催上長安道賓幕雍容年正妙
人物風流溫嶠政成海泳江涵門闌剩有
餘閑公事不妨行樂春風常社城南

訴衷情

史仲恭壽

芹溪清淺舞連漪墜釣錦鱗肥黃花一尊

芳酒萬事覺俱非
留晚景惜香霏
醉時歸
杲關情處迎門
稚子笑牽衣

水調歌頭

山中偶成用遜菴兄韻

人生等行旅能費幾春秋
元龍謾矜豪氣
百尺卧高樓
昨日青青雙鬢
今日星星滿
鏡轉首歲華流
歸去便歸去
何處覓菟裘
一枝筇一壺酒
寄真游
姑山玉立
十仞直
下看神州
欲語幽情誰可賴
有白鷗知

塵世儘悠悠一笑對妻子出處不須籌

顯祖邀菴君與從祖菊軒君才

名道業推重一世值金季亂亡辟

地龍門山中邀菴君既沒菊軒君

徒哥寧北郭閉門讀書餘四十年

優游以終凜然清風視古無愧其

遺文惜多散逸所幸者者古律詩

樂府三數百篇皆先侍郎手自

紀錄屢欲傳梓不克小子不肖痛

先志之未遂懼微言之或泯謹用
錄梓藏之家塾俾後之子孫毋忘
先業云

泰定四年丁卯春別開輔拜平議誌

二妙集卷之八終